

ओं नमः परमात्मने, श्री महागणपतये नमः,

श्री गुरुभ्यो नमः, हरिः ओं

कृष्ण यजुर्वेदीय तैत्तिरीय संहिता

पद पाठः (वाक्य सहित)

तृतीयकाण्डे प्रथमः प्रश्नः

**Notes:**

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site “[www.vedavms.in](http://www.vedavms.in)”

पद पाठे (वाक्य सहित) – तृतीयकाण्डे – प्रथमः प्रश्नः

---

Table of Contents

**3 कृष्ण यजुर्वेदीय तैत्तिरीय संहितायं पद पाठे तृतीयं काण्डं... 3**

**3.1 तृतीयकाण्डे प्रथमः प्रश्नः – न्यूनकर्माभिधानं ..... 3**

पद पाठे (वाक्य सहित) – तृतीयकाण्डे – प्रथमः प्रश्नः

ओं नमः परमात्मने, श्री महागणपतये नमः, श्री गुरुभ्यो नमः

हरिः ओं

**3 कृष्ण यजुर्वेदीय तैत्तिरीय संहितायं पद पाठे तृतीयं**

**काण्डं**

**3.1 तृतीयकाण्डे प्रथमः प्रश्नः – न्यूनकर्माभिधानं**

**3.1.1.1**

प्रजापतिरकामयत् प्रजाः सृजेयेति स तपोऽतप्यत् स सर्पान्सृजत्  
सोऽकामयत् प्रजाः सृजेयेति सद्वितीयमतप्यत् स वयाऽस्य सृजत्  
सोऽकामयत् प्रजाः सृजेयेति स तृतीयमतप्यत् स एतं दीक्षितवाद-  
मपश्यत् तमवदत् ततो वै स प्रजा असृजत् यत् तपस्तप्त्वा  
दीक्षितवादँवदति प्रजा एव तद्यजमानः – [] 1

**3.1.1.1 (Padam)**

प्रजापतिरिति प्रजा – पतिः । अकामयत् । प्रजा इति प्र – जाः ।  
सृजेय । इति । सः । तपः । अतप्यत् । सः । सर्पान् । असृजत् ।  
सः । अकामयत् । प्रजा इति प्र – जाः । सृजेय । इति । सः ।

पद पाठे (वाक्य सहित) – तृतीयकाण्डे – प्रथमः प्रश्नः

द्वितीयम् । अतप्यत । सः । वयाँसि । असृजत । सः ।  
अकामयत । प्रजा इति प्र-जाः । सृजेय । इति । सः । तृतीयम् ।  
अतप्यत । सः । एतम् । दीक्षितवादमिति दीक्षित – वादम् ।  
अपश्यत् । तम् । अवदत् । ततः । वै । सः । प्रजा इति प्र-जाः ।  
असृजत । यत् । तपः । तप्त्वा । दीक्षितवादमिति दीक्षित – वादम् ।  
वदति । प्रजा इति प्र – जाः । एव । तत् । यजमानः । 1 (50)

**3.1.1.2**

सृजते यद्वै दीक्षितोऽमेध्यं पश्यत्यपास्मादीक्षाक्रामति नीलमस्य हरो  
व्येत्यबद्धं मनो दरिद्रं चक्षुः सूर्यो ज्योतिषाँश्रेष्ठो दीक्षे मा  
माहासीरित्याह नास्मादीक्षाऽपक्रामति नास्य नीलं न हरो व्येति यद्वै  
दीक्षितमभिवर्षतिदिव्या आपोऽशान्ता ओजो बलं दीक्षां – [ ] 2

**3.1.1.2 (Padam)**

सृजते । यत् । वै । दीक्षितः । अमेध्यम् । पश्यति । अपेति ।  
अस्मात् । दीक्षा । क्रामति । नीलम् । अस्य । हरः । वीति । एति ।  
अबद्धम् । मनः । दरिद्रम् । चक्षुः । सूर्यः । ज्योतिषाम् । श्रेष्ठः ।  
दीक्षे । मा । मा । हासीः । इति । आह । न । अस्मात् । दीक्षा ।

पद पाठे (वाक्य सहित) – तृतीयकाण्डे – प्रथमः प्रश्नः

अपेति॑ । क्रा॒मति॑ । न । अ॒स्य॑ । नी॒लम्॑ । न । हरः॑ । वी॒ति॑ ।

ए॒ति॑ । यत् । वै । दी॒क्षित॑म् । अ॒भिव॑र्ष॒तीत्य॑भि-व॒र्षति॑ । दि॒व्याः ।

आपः॑ । अ॒शान्ताः॑ । ओजः॑ । ब॒लम्॑ । दी॒क्षाम्॑ । 2 (50)

**3.1.1.3**

तपो॑ऽस्य॒निर्घ्न॑न्त्यु॒न्दती॑र्ब॒लं ध॒त्तौजो॑ ध॒त्त ब॒लं ध॒त्त मा मे॑ दी॒क्षां मा  
तपो॑निर्व॒धिष्टे॑त्या॒है तदे॒व सर्व॑मा॒त्मन् ध॒त्ते ना॒स्यौजो॑ ब॒लं न दी॒क्षां न  
तपो॑निर्घ्न॒न्त्यग्नि॑र्वै दी॒क्षित॑स्य॒ देवता॑ सोऽस्मा॑दे॒र्हि॒तिर॑ इ॒व यर्हि॑  
याति॑ तमी॒श्वर॑ꣳ रक्षाꣳसि॒ हन्तो॑ -[ ] 3

**3.1.1.3 (Padam)**

तपः॑ । अ॒स्य॑ । नि॒रिति॑ । घ्न॒न्ति॑ । उ॒न्दतीः॑ । ब॒लम्॑ । ध॒त्त॑ । ओजः॑ ।

ध॒त्त॑ । ब॒लम्॑ । ध॒त्त॑ । मा । मे॑ । दी॒क्षाम्॑ । मा । तपः॑ । नि॒रिति॑ ।

व॒धिष्ट॑ । इति॑ । आ॒ह॑ । ए॒तत् । ए॒व । सर्व॑म् । आ॒त्मन् । ध॒त्ते॑ । न ।

अ॒स्य॑ । ओजः॑ । ब॒लम्॑ । न । दी॒क्षाम्॑ । न । तपः॑ । नि॒रिति॑ ।

घ्न॒न्ति॑ । अ॒ग्निः॑ । वै । दी॒क्षित॑स्य॒ देवता॑ । सः । अ॒स्मात् ।

ए॒र्हि॒तिर॑ । ति॒रः । इ॒व । यर्हि॑ । याति॑ । तम् । ई॒श्वर॑म् । रक्षाꣳसि॒ ।

हन्तोः॑ । 3 (50)

पद पाठे (वाक्य सहित) – तृतीयकाण्डे – प्रथमः प्रश्नः

**3.1.1.4**

भद्रा॑दभि॒श्रेयः॑ प्रेहि॒बृह॑स्पतिः॑ पुर॒ एता॑ ते॒ अस्त्वित्या॑ह॒ब्रह्म॑ वै दे॒वानां॑  
बृह॑स्पतिस्तमे॒वान्वा र॑भते॒ स ए॒नं॑ सं पार॒यत्ये॑ दम॒गन्म॑ दे॒वय॑जनं  
पृथि॒व्या इत्या॑ह दे॒वय॑जनं॑ ह्येष॒ पृथि॒व्या आ॑गच्छति॒ यो य॑जते॒ विश्वे॑  
दे॒वा यद॑जुषन्त॒ पूर्वं इत्या॑ह॒ विश्वे॑ ह्येत॒ दे॒वा जो॑षयन्ते॒ यद्ब्रा॑ह्मणा ( )  
ऋ॒क्सामा॑भ्यां य॒जुषा॑ सन्तरन्त॒ इत्या॑ह॒ र्सामा॑भ्यां॑ ह्येष॒ यजु॑षा  
सन्तर॑ति॒ यो य॑जते॒ रा॒यस्पो॑षेण॒ समि॑षा-मदे॒मेत्या॑-हाऽशि॒षमे॑वै॒ तामा॑  
शास्ते॑ । 4

**3.1.1.4 (Padam)**

भद्रा॑त् । अ॒भीति॑ । श्रेयः॑ । प्रेति॑ । इ॒हि । बृह॑स्पतिः॑ । पुर॒ एतेति॑  
पुरः - एता॑ । ते॒ । अस्तु॑ । इति॑ । आ॒ह । ब्रह्म॑ । वै । दे॒वानाम्॑ ।  
बृह॑स्पतिः॑ । तम् । ए॒व । अ॒न्वार॑भत॒ इत्यनु॑ - आ॒रभते॑ । सः ।  
ए॒नम् । समि॑ति । पार॒यति॑ । एति॑ । इ॒दम् । अ॒गन्म॑ । दे॒वय॑जनमिति॑  
दे॒व - य॑जनम् । पृथि॒व्याः । इति॑ । आ॒ह । दे॒वय॑जनमिति॑  
दे॒व - य॑जनम् । हि । ए॒षः । पृथि॒व्याः । आ॒गच्छ॑तीत्या॑ - गच्छति॑ ।  
यः । य॑जते । विश्वे॑ । दे॒वाः । यत् । अ॒जुष॑न्त । पूर्वे॑ ।

पद पाठे (वाक्य सहित) – तृतीयकाण्डे – प्रथमः प्रश्नः

इति॑ । आ॒ह॒ । वि॒श्वे॑ ॥ हि॑ । ए॒तत् । दे॒वाः । जो॒षय॑न्ते । यत् ।

ब्रा॒ह्म॒णाः ( ) । ऋ॒ख्सा॑माभ्या॒मित्यृ॑ख्सा॒मा - भ्या॒म् । यजु॑षा ।

स॒न्त॒र॒न्त॒ इति॑ सं - त॒र॒न्तः । इति॑ । आ॒ह॒ ।

ऋ॒ख्सा॑माभ्या॒मित्यृ॑ख्सा॒मा - भ्या॒म् । हि॑ । ए॒षः । यजु॑षा ।

स॒न्त॒र॒तीति॑ सं - त॒र॒ति । यः । यज॑ते । रा॒यः । पो॒षेण॑ । स॒मि॒ति॑ ।

इ॒षा । म॒दे॒म॒ । इति॑ । आ॒ह॒ । आ॒शि॒ष॒मित्या॑ ॥ - शि॒ष॒म् । ए॒व ।

ए॒ताम् । ए॒ति॑ । शा॒स्ते॑ । 4 (74)

(यज॑मानो - दी॒क्षाꣳ - ह॒न्ताꣳ ॥ - ब्रा॒ह्म॒णा - श्चतु॑र्विꣳशतिश्च) (A1)

**3.1.2.1**

ए॒ष ते॑ गा॒य॒त्रो भा॒ग इति॑ मे॒ सोमा॑य ब्रू॒ता॒देष॑ ते॒ त्रैष्टु॑भो॒ जा॒गतो॑ भा॒ग

इति॑ मे॒ सोमा॑य ब्रू॒ता॒च्छ॒न्दो॒मानाꣳ ॥ सा॒म्रा॒ज्यं ग॒च्छेति॑ मे॒ सोमा॑य ब्रू॒ताद्

यो वै सोमꣳ ॥ रा॒जा॒नꣳ ॥ सा॒म्रा॒ज्यं ॥ लो॒कं ग॑मयित्वा क्रीणाति गच्छति

स्वा॒नाꣳ ॥ सा॒म्रा॒ज्यं ॥ छ॒न्दाꣳसि॑ खलु वै सोमस्य राज्ञः साम्राज्यो लोकः

पु॒रस्ता॑त् सोमस्य क्रयादेवमभि मन्त्रयेत् साम्राज्यमेवै - [ ] 5

पद पाठे (वाक्य सहित) – तृतीयकाण्डे – प्रथमः प्रश्नः

**3.1.2.1 (Padam)**

ए॒षः । ते । गा॒य॒त्रः । भा॒गः । इति॑ । मे । सो॒मा॒य । ब्रू॒तात् । ए॒षः ।  
ते । त्रै॒ष्टु॒भः । जा॒गतः । भा॒गः । इति॑ । मे । सो॒मा॒य । ब्रू॒तात् ।  
छ॒न्दो॒मा॒ना॒मि॒ति॑ छ॒न्दः – मा॒ना॒म् । सा॒म्रा॒ज्य॒मि॒ति॑ सा॒म् – रा॒ज्य॒म् ।  
ग॒च्छ । इति॑ । मे । सो॒मा॒य । ब्रू॒तात् । यः । वै । सो॒म॒म् । रा॒जा॒न॒म् ।  
सा॒म्रा॒ज्य॒मि॒ति॑ सा॒म् – रा॒ज्य॒म् । लो॒क॒म् । ग॒म॒यि॒त्वा । क्री॒णा॒ति॑ ।  
ग॒च्छ॒ति॑ । स्वा॒ना॒म् । सा॒म्रा॒ज्य॒मि॒ति॑ सा॒म् – रा॒ज्य॒म् । छ॒न्दा॒सि॑ ।  
ख॒लु । वै । सो॒म॒स्य॑ । रा॒ज्ञः । सा॒म्रा॒ज्य॒ इति॑ सा॒म् – रा॒ज्यः॑ ।  
लो॒कः । पु॒र॒स्तात् । सो॒म॒स्य॑ । क॒यात् । ए॒व॒म् । अ॒भी॒ति॑ । म॒न्त्र॒ये॒त ।  
सा॒म्रा॒ज्य॒मि॒ति॑ सा॒म् – रा॒ज्य॒म् । ए॒व । 5 (50)

**3.1.2.2**

नं॑ लो॒कं॑ ग॒म॒यि॒त्वा क्री॑णा॒ति॒ ग॒च्छ॑ति॒ स्वा॒ना॒सि॑ सा॒म्रा॒ज्यं॑ यो॒ वै  
ता॒नू॒न॒प्त्र॒स्य॑ प्र॒ति॒ष्ठां॑ वे॒द प्र॒त्ये॒व ति॑ष्ठति॒ ब्र॒ह्म॒वा॒दि॒नो॑ वदन्ति॒ न प्रा॒श्न॒न्ति॒  
न जु॒ह्व॒त्यथ॑ क्व॒ ता॒नू॒न॒प्त्रं॑ प्र॒ति ति॑ष्ठतीति॒ प्र॒जा॒प॒तौ॑ म॒न॒सी॒ति॑ ब्रू॒यात्  
त्रि॒र॒व जि॒घ्रे॒त् प्र॒जा॒प॒तौ॑ त्वा॒ म॒न॒सि॑ जु॒हो॒मी॒त्येषा॑ वै ता॒नू॒न॒प्त्र॒स्य॑ प्र॒ति॒ष्ठा  
य ए॒वं वे॒द प्र॒त्ये॒व ति॑ष्ठति॒ यो – [ ] 6



पद पाठे (वाक्य सहित) – तृतीयकाण्डे – प्रथमः प्रश्नः

**3.1.2.2 (Padam)**

ए॒नम् । लो॒कम् । ग॒मयि॒त्वा । क्री॒णा॒ति॒ । ग॒च्छ॑ति॒ । स्वा॒ना॒म् ॥  
सा॒म्रा॒ज्य॑मि॒ति॒ सा॒म् – रा॒ज्य॑म् । यः । वै । ता॒नू॒न॒प्त्र॑स्येति॒  
ता॒नू – न॒प्त्र॑स्य॒ । प्र॒ति॒ष्ठा॑मि॒ति॒ प्र॒ति – स्था॑म् । वे॒द॒ । प्र॒ती॒ति॒ । ए॒व ।  
ति॒ष्ठ॑ति॒ । ब्र॒ह्म॒वा॒दि॒न॒ इति॑ ब्र॒ह्म – वा॒दि॒नः॑ । व॒द॒न्ति॑ । न ।  
प्रा॒श्न॑न्तीति॒ प्र – अ॒श्न॑न्ति॒ । न । जु॒ह्व॑ति॒ । अथ॑ । क्व॒ ।  
ता॒नू॒न॒प्त्र॑मि॒ति॒ ता॒नू – न॒प्त्र॑म् । प्र॒ती॒ति॒ । ति॒ष्ठ॑ति॒ । इति॑ ।  
प्र॒जा॒प॒ता॒वि॒ति॒ प्र॒जा – प॒तौ॑ । म॒न॒सि॑ । इति॑ । ब्रू॒या॒त् । त्रिः॑ । अ॒वे॒ति॑ ।  
जि॒घ्रे॑त् । प्र॒जा॒प॒ता॒वि॒ति॒ प्र॒जा – प॒तौ॑ । त्वा॒ । म॒न॒सि॑ । जु॒हो॒मि॒ ।  
इति॑ । ए॒षा॒ । वै । ता॒नू॒न॒प्त्र॑स्येति॒ ता॒नू – न॒प्त्र॑स्य॒ ।  
प्र॒ति॒ष्ठे॑ति॒ प्र॒ति – स्था॑ । यः । ए॒वम् । वे॒द॒ । प्र॒ती॒ति॒ । ए॒व ।  
ति॒ष्ठ॑ति॒ । यः । 6 (50)

**3.1.2.3**

वा अ॒ध्व॒र्योः॑ प्र॒ति॒ष्ठां॑ वे॒द प्र॒त्ये॒व ति॒ष्ठ॑ति॒ यतो॑ म॒न्ये॒तान॑भि॒क्र॒म्य  
हो॒ष्या॑मीति॒ तत् ति॒ष्ठ॑न्ना श्राव॒ये॒देषा॑ वा अ॒ध्व॒र्योः॑ प्र॒ति॒ष्ठा॒ य ए॒वं  
वे॒द प्र॒त्ये॒व ति॒ष्ठ॑ति॒ यद॑भि॒क्र॒म्य जु॒हु॒या॒त् प्र॒ति॒ष्ठा॒या॒ इ॒या॒त् तस्मा॑त् ॥

पद पाठे (वाक्य सहित) – तृतीयकाण्डे – प्रथमः प्रश्नः

स॒मान॒त्र॒ ति॒ष्ठ॒ता॒ हो॒त॒व्यं॑ प्र॒ति॒ष्ठि॒त्यै॑ यो वा अ॒ध्व॒र्योः॑ स्वं वे॒द॒ स्व॒वा॒ने॒व॒  
भ॒व॒ति॒ सु॒ग्वा॒ अ॒स्य॒ स्वं वा॒य॒व्य॒म॒स्य॒ – [ ] 7

**3.1.2.3 (Padam)**

वै । अ॒ध्व॒र्योः॑ । प्र॒ति॒ष्ठा॒मि॒ति॑ प्र॒ति – स्था॒म् । वे॒द॒ । प्र॒ती॒ति॑ । ए॒व॒ ।  
ति॒ष्ठ॒ति॑ । य॒तः॑ । म॒न्ये॒त॒ । अ॒न॒भि॒क्र॒म्ये॒त्य॒न॒भि॑ – क्र॒म्य॒ । हो॒ष्या॒मि॒ ।  
इ॒ति॑ । त॒त् । ति॒ष्ठ॒न् । ए॒ति॑ । श्रा॒व॒ये॒त् । ए॒षा॒ । वै । अ॒ध्व॒र्योः॑ ।  
प्र॒ति॒ष्ठे॒ति॑ प्र॒ति – स्था॒ । यः॑ । ए॒व॒म् । वे॒द॒ । प्र॒ती॒ति॑ । ए॒व॒ । ति॒ष्ठ॒ति॑ ।  
य॒त् । अ॒भि॒क्र॒म्ये॒त्य॒भि॑ – क्र॒म्य॒ । जु॒हु॒या॒त् ।  
प्र॒ति॒ष्ठा॒या॒ इ॒ति॑ प्र॒ति–स्था॒याः॑ ॥ इ॒या॒त् । त॒स्मा॒त् । स॒मा॒न॒त्र॒ । ति॒ष्ठ॒ता॒ ।  
हो॒त॒व्य॒म् ॥ प्र॒ति॒ष्ठि॒त्या॒ इ॒ति॑ प्र॒ति – स्थि॒त्यै॑ । यः॑ । वै । अ॒ध्व॒र्योः॑ ।  
स्व॒म् । वे॒द॒ । स्व॒वा॒नि॒ति॒ स्व – वा॒न् । ए॒व॒ । भ॒व॒ति॑ । सु॒क् । वै ।  
अ॒स्य॒ । स्व॒म् । वा॒य॒व्य॒म् । अ॒स्य॒ । 7 (50)

**3.1.2.4**

स्वं च॒म॒सो॑ऽस्य॒ स्वं य॑द्वा॒य॒व्यं वा॑ च॒म॒सं वा॑ऽन॒न्वा॒र॒भ्याऽऽश्रा॒व॒ये॒थ्  
स्वा॒दि॒या॒त् त॒स्मा॒ द॒न्वा॒र॒भ्या॒ ऽऽश्रा॒व्य॑ स्वा॒दे॒व॒ नै॒ति॑ यो वै सो॒म॒म–  
प्र॒ति॒ष्ठा॒प्य॒ स्तो॒त्र–मु॒पा॒क॒रो॒त्य॑ प्र॒ति॒ष्ठि॒तः॑ सो॒मो॒ भ॒व॒त्य॑प्र॒ति॒ष्ठि॒तः॑ स्तो॒मो–

पद पाठे (वाक्य सहित) – तृतीयकाण्डे – प्रथमः प्रश्नः

ऽप्रतिष्ठिता-न्युक्थान्यप्रतिष्ठितो यजमानो ऽप्रतिष्ठितो ऽध्वर्युर्वा यव्यं वै  
सोमस्य प्रतिष्ठा चमसोऽस्य प्रतिष्ठा सोमः स्तोमस्य स्तोम उक्थानां  
ग्रहं वा ( ) गृहीत्वा चमसं वोन्नीय स्तोत्रमुपा कुर्यात् प्रत्येव सोमः  
स्थापयति प्रतिस्तोमं प्रत्युक्थानि प्रति यजमानस्तिष्ठति प्रत्यध्वर्युः । 8

**3.1.2.4 (Padam)**

स्वम् । चमसः । अस्य । स्वम् । यत् । वायव्यम् । वा । चमसम् ।  
वा । अनन्वारभ्येत्यनु – आरभ्य । आश्रावयेदित्या – श्रावयेत् ।  
स्वात् । इयात् । तस्मात् । अन्वारभ्येत्यनु – आरभ्य ।  
आश्राव्यमित्या – श्राव्यम् । स्वात् । एव । न । एति । यः । वै ।  
सोमम् । अप्रतिष्ठाप्येत्यप्रति – स्थाप्य । स्तोत्रम् ।  
उपाकरोतीत्युप – आकरोति । अप्रतिष्ठित इत्यप्रति – स्थितः ।  
सोमः । भवति । अप्रतिष्ठित इत्यप्रति – स्थितः । स्तोमः ।  
अप्रतिष्ठितानीत्यप्रति – स्थितानि । उक्थानि । अप्रतिष्ठित  
इत्यप्रति – स्थितः । यजमानः । अप्रतिष्ठित इत्यप्रति – स्थितः ।  
अध्वर्युः । वायव्यम् । वै । सोमस्य । प्रतिष्ठेति प्रति – स्था ।

पद पाठे (वाक्य सहित) – तृतीयकाण्डे – प्रथमः प्रश्नः

च॒मसः॑ । अ॒स्य॑ । प्र॒ति॒ष्ठेति॑ प्र॒ति – स्था॑ । सोमः॑ । स्तोम॑स्य ।  
स्तोमः॑ । उ॒क्थाना॑म् । ग्र॒हम् । वा ( ) । गृ॒ही॒त्वा । च॒मस॑म् । वा ।  
उ॒न्नीये॑त्युत् – नीय॑ । स्तो॒त्रम् । उ॒पा॒कुर्या॑दित्युप – आ॒कुर्या॑त् ।  
प्र॒तीति॑ । ए॒व । सोम॑म् । स्था॒पय॑ति । प्र॒तीति॑ । स्तोम॑म् । प्र॒तीति॑ ।  
उ॒क्थानि॑ । प्र॒तीति॑ । यज॑मानः । तिष्ठ॑ति । प्र॒तीति॑ । अ॒ध्वर्युः॑ । 8 (69)

(ए॒व – तिष्ठ॑ति यो – वा॒यव्य॑मस्य – ग्र॒हं वै – का॒त्र  
– वि॒श्र॑तिश्च) (A2)

**3.1.3.1**

य॒ज्ञं वा॑ ए॒तत् सं॑ भ॒रन्ति॑ यत् सोम॑क्रय॒ण्यै प॒दं य॑ज्ञ॒मुखं॑  
ह॒वि॒र्धाने॑ य॒र्हि ह॒वि॒र्धाने॑ प्रा॒चीं प्र॑व॒र्तये॑युस्त॒र्हि ते॒नाक्ष॑मु॒पा-  
ज्ज्याद्-य॑ज्ञ॒मुख ए॒व य॑ज्ञ॒मनु॑ स॒न्तनो॑ति प्रा॒ञ्चम॑ग्निं प्र॒ हर॑न्त्युत्  
प॒त्नी॒मा न॑य॒न्त्यन्व॑ना॒सि प्र॑ व॒र्तय॑न्त्यथ॒ वा अ॑स्यैष॒ धिष्णि॑यो ही॒यते॑  
सोऽनु॑ ध्यायति स ई॒श्वरो॑ रु॒द्रो भू॒त्वा – [ ] 9

**3.1.3.1 (Padam)**

य॒ज्ञम् । वै । ए॒तत् । स॒मि॒ति । भ॒रन्ति॑ । यत् । सोम॑क्रय॒ण्या इति॑  
सोम॑ – क्रय॒ण्यै । प॒दम् । य॑ज्ञ॒मुखमि॑ति य॒ज्ञ – मु॒खम् ।

पद पाठे (वाक्य सहित) – तृतीयकाण्डे – प्रथमः प्रश्नः

ह॒वि॒र्धा॒ने॒ इति॑ ह॒विः॑ – धाने॑ । यर्॒हि॑ ।

ह॒वि॒र्धा॒ने॒ इति॑ ह॒विः॑ – धाने॑ । प्रा॒ची॒ इति॑ । प्र॒व॒र्त॒ये॒यु॒रिति॑

प्र – वर्त॑ये॒युः॑ । तर्॒हि॑ । तेन॑ । अक्ष॑म् । उपेति॑ । आञ्ज्यात् ।

य॒ज्ञ॒मु॒ख॒ इति॑ य॒ज्ञ॒-मु॒खे॑ । ए॒व । य॒ज्ञ॒म् । अनु॑ । समि॑ति । त॒नो॒ति॑ ।

प्राञ्च॑म् । अ॒ग्नि॑म् । प्रेति॑ । ह॒र॒न्ति॑ । उ॒दि॒ति॑ । प॒त्नी॑म् । ए॒ति॑ ।

न॒य॒न्ति॑ । अ॒न्वि॑ति । अ॒ना॒सि॑ । प्रेति॑ । वर्त॑यन्ति । अथ॑ । वै ।

अ॒स्य॑ । ए॒षः॑ । धि॒ष्णि॑यः । ही॒य॒ते॑ । सः॑ । अ॒न्वि॑ति । ध्या॒य॒ति॑ । सः॑ ।

ई॒श्वरः॑ । रु॒द्रः॑ । भू॒त्वा । 9 (50)

**3.1.3.2**

प्र॒जां प॒शून् य॒ज॒मा॒नस्य॑ श॒म॒यि॒तो॒र्यर्॒हि॑ प॒शु॒मा प्री॒त॒मु॒दञ्चं॑ न॒य॒न्ति॑

तर्॒हि॑ तस्य॑ प॒शु॒श्र॒पण॑ ह॒रेत् ते॒नै॒वैनं॑ भा॒गि॒नं॑ क॒रो॒ति॑ य॒ज॒मा॒नो वा

आ॒ह॒व॒नी॒यो य॒ज॒मा॒नं वा॑ ए॒तद्वि॑ क॒र्ष॒न्ते॑ य॒दाह॒व॒नी॒यात् प॒शु॒श्र॒पण॑

ह॒र॒न्ति॑ स॒ वैव॑ स्या॒न्नि॒र्म॒न्थ्यं॑ वा॒ कुर्या॑द्-य॒ज॒मा॒नस्य॑ सा॒त्म॒त्वाय॑ यदि॑

प॒शो॒र॒व॒दा॒नं न॒श्ये॒दा॒ज्य॑स्य॒ प्र॒त्या॒ख्या॒य॒मव॑ द्येथ् सैव॑ ततः ( )

प्रा॒यश्चि॑त्तिर्ये॒ प॒शुं वि॑मथ्नी॒रन् य॒स्तान् का॒म॒ये॒ता ऽऽ\*ति॒मा॒र्च्छे॑यु॒रिति॑

पद पाठे (वाक्य सहित) – तृतीयकाण्डे – प्रथमः प्रश्नः

कु॒वि॒द॒ङ्गे॒ति॒ न॒मो॑ वृ॒क्ति॒व॒त्य॒र्चा॑ऽऽग्नी॒ध्रे॑ जु॒हु॒या॒न्न॒मो॑ वृ॒क्ति॒मे॒वैषां॑ वृ॒ङ्के॑  
ता॒ज॒गा॒र्ति॒मा॒र्च्छ॑न्ति । 10

**3.1.3.2 (Padam)**

प्र॒जा॒मि॒ति॑ प्र – जा॒म् । प॒शून् । य॒ज॒मा॒न॒स्य॑ । श॒म॒यि॒तोः॑ । य॒र्हि॑ ।  
प॒शु॒म् । आ॒प्री॒त॒मि॒त्या-प्री॒त॒म् । उ॒द॒ञ्च॒म् । न॒य॒न्ति॑ । त॒र्हि॑ । त॒स्य॑ ।  
प॒शु॒श्र॒प॒ण॒मि॒ति॑ प॒शु – श्र॒प॒ण॒म् । ह॒रेत् । ते॒न॑ । ए॒व । ए॒न॒म् ।  
भा॒गि॒न॒म् । क॒रो॒ति॑ । य॒ज॒मा॒नः॑ । वै । आ॒ह॒व॒नी॒य॒ इ॒त्या – ह॒व॒नी॒यः॑ ।  
य॒ज॒मा॒न॒म् । वै । ए॒तत् । वी॒ति॑ । क॒र्ष॒न्ते॑ । यत् ।  
आ॒ह॒व॒नी॒या॒दि॒त्या – ह॒व॒नी॒यात् । प॒शु॒श्र॒प॒ण॒मि॒ति॑ प॒शु – श्र॒प॒ण॒म् ।  
ह॒र॒न्ति॑ । सः । वा । ए॒व । स्यात् । नि॒र्म॒न्थ्य॑मि॒ति॑ निः – म॒न्थ्य॑म् ।  
वा । कु॒र्यात् । य॒ज॒मा॒न॒स्य॑ । सा॒त्म॒त्वा॒ये॒ति॑ सा॒त्म – त्वा॒य॑ । य॒दि॑ ।  
प॒शोः॑ । अ॒व॒दा॒न॒मि॒त्य॒व – दा॒न॒म् । न॒श्येत् । आ॒ज्य॑स्य ।  
प्र॒त्या॒ख्या॒य॒मि॒ति॑ प्र॒ति – आ॒ख्या॑य॒म् । अ॒वे॒ति॑ । द्येत् । सा । ए॒व ।  
त॒तः ( ) । प्रा॒यश्चि॑त्तिः । ये । प॒शु॒म् । वि॒म॒थ्नी॒र॒न्नि॒ति॑  
वि – म॒थ्नी॒र॒न् । यः । तान् । का॒म॒ये॒त॑ । आ॒र्ति॑म् । ए॒ति॑ । ऋ॒च्छे॒युः॑ ।

पद पाठे (वाक्य सहित) – तृतीयकाण्डे – प्रथमः प्रश्नः

इति॑ । कु॒वित् । अ॒ङ्ग । इति॑ । नमो॑वृक्तिवत्येति॑ नमो॑वृक्ति – व॒त्या ।  
ऋ॒चा । आ॒ग्नी॑ध्र इत्याग्नि॑ – इ॒ध्रे । जुहु॑यात् । नमो॑वृक्तिमिति॑  
नमः॑ – वृ॒क्तिम् । ए॒व । ए॒षाम् । वृ॒ङ्क्ते । ता॒जक् । आ॒र्तिम् । ए॒ति ।  
ऋ॒च्छन्ति॑ । 10 (76) (भू॒त्वा – ततः॑ – षड्वि॑ंशतिश्च) (A3)

### 3.1.4.1

प्रजा॑पतेर्जायमानाः॑ प्रजा॑ जाताश्च॑ या इ॒माः ।  
तस्मै॑ प्रति॑ प्र वे॒दय॑चिकित्वाꣳ अनु॑ मन्यतां ।  
इमं॑ पशुं॑ पशुपते॑ ते अ॒द्य ब॑ध्नाम्यग्ने॑ सुकृतस्य॑ मध्ये॑ ।  
अनु॑ मन्यस्व सुयजा॑ यजाम॑ जुष्टं॑ देवानामिदमस्तु॑ हव्यं ।  
प्रजा॑नन्तः॑ प्रतिगृह्णन्ति॑ पूर्वे॑ प्राणमङ्ग॑भ्यः पर्याचरन्तं॑ ।  
सुवर्गं॑ याहि॑ पथिभि॑ दे॒वयानै॑-रोषधीषु॑ प्रतितिष्ठा॑ शरीरैः॑ ।  
येषामीशो॑ – [ ] 11

### 3.1.4.1 (Padam)

प्रजा॑पतेरिति॑ प्रजा॑ – पतेः॑ । जायमानाः॑ । प्रजाः॑ इति॑ प्र – जाः ।  
जाताः॑ । च॑ । याः॑ । इ॒माः । तस्मै॑ । प्रति॑ । प्रेति॑ । वे॒दय॑ ।

पद पाठे (वाक्य सहित) – तृतीयकाण्डे – प्रथमः प्रश्नः

चि॒कित्वा॑न् । अ॒न्वि॒ति॑ । म॒न्य॒ता॒म् । इ॒म॒म् । प॒शु॒म् । प॒शु॒प॒त॑ इति॑  
प॒शु॒ - प॒ते॑ । ते॒ । अ॒द्य॑ । ब॒ध्ना॑मि॒ । अ॒ग्ने॑ । सु॒कृ॒त॒स्ये॑ति॑  
सु॒ - कृ॒त॒स्य॑ । म॒ध्ये॑ ॥ अ॒न्वि॒ति॑ । म॒न्य॒स्व॒ । सु॒य॒जे॑ति॑ सु॒ - य॒जा॑ ॥  
य॒जा॒म॒ ॥ जु॒ष्ट॒म् । दे॒वा॒ना॒म् । इ॒द॒म् । अ॒स्तु॑ । ह॒व्य॒म् ।  
प्र॒जा॒न॒न्त॑ इति॑ प्र॒ - जा॒न॒न्तः॑ । प्र॒ती॒ति॑ । गृ॒ह्ण॑न्ति॒ । पू॒र्वे॑ । प्रा॒ण॒मि॒ति॑  
प्र॒ - अ॒न॒म् । अ॒ङ्गै॑भ्यः । प॒री॒ति॑ । आ॒च॒र॒न्त॒मित्या॑ - च॒र॒न्त॒म् ।  
सु॒व॒र्ग॒मि॒ति॑ सु॒वः॑ - ग॒म् । या॒हि॑ । प॒थि॒भि॒रि॒ति॑ प॒थि॒ - भिः॑ ।  
दे॒व॒या॒नै॒रि॒ति॑ दे॒व॒ - या॒नैः॑ । ओ॒ष॒धी॑षु । प्र॒ती॒ति॑ । ति॒ष्ठ॑ ।  
श॒री॒रैः॑ । ये॒षा॑म् । ई॒शैः॑ ॥ 11 (50)

**3.1.4.2**

प॒शु॒प॒तिः॑ प॒शू॒नां॑ च॒तु॒ष्प॒दा॒मु॒त॑ च॒ द्वि॒प॒दां॑ ॥  
नि॒ष्क्री॑तोऽयं॒ य॒ज्ञि॒यं॑ भा॒ग॒मे॒तु॑ रा॒य॒स्पो॒षा॑ य॒ज॒मा॒न॒स्य॑ स॒न्तु॑ ।  
ये॒ ब॒ध्य॒मा॒न॒म॒नु॑ ब॒ध्य॒मा॒ना॑ अ॒भ्यै॑क्ष॒न्त॒ मन॒सा॑ च॒क्षु॒षा॑ च॒ ।  
अ॒ग्नि॒स्ता॑ अ॒ग्ने॑ प्र॒मु॒मो॒क्तु॑ दे॒वः॑ प्र॒जा॒प॒तिः॑ प्र॒जया॑ सँ॒वि॒दा॒नः॑ ।  
य॒ आ॒र॒ण्याः॑ प॒श॒वो॑ वि॒श्व॒रू॒पा॑ वि॒रू॒पाः॑ स॒न्तो॑ बहु॒धै॒क॒रू॒पाः॑ ।



पद पाठे (वाक्य सहित) – तृतीयकाण्डे – प्रथमः प्रश्नः

वा॒युस्ता॑ अ॒ग्रे प्र॑मु॒मोक्तु॑ दे॒वः प्र॒जाप॑तिः प्र॒जया॑ सं॒विदानः॑ ।

प्र॒मुञ्च॑मा॒ना – [ ] 12

**3.1.4.2 (Padam)**

प॒शुप॑तिरिति प॒शु-प॑तिः । प॒शूना॑म् । च॒तुष्प॑दामिति च॒तुः – प॒दाम् ।

उ॒त । च॒ । द्वि॒पदा॑मिति द्वि – प॒दाम् । निष्क्री॑त इति निः – क्री॒तः ।

अ॒यम् । य॒ज्ञिय॑म् । भा॒गम् । ए॒तु । रा॒यः । पो॒षाः । य॒जमा॑नस्य ।

स॒न्तु । ये । ब॒ध्यमा॑नम् । अ॒न्विति॑ । ब॒ध्यमा॑नाः ।

अ॒भ्यैक्ष॑न्तेत्यभि – ऐ॒क्षन्त॑ । म॒नसा॑ । चक्षु॑षा । च॒ । अ॒ग्निः । तान् ।

अ॒ग्रे । प्रे॑ति । मु॒मोक्तु॑ । दे॒वः । प्र॒जाप॑तिरिति प्र॒जा – प॑तिः ।

प्र॒जये॑ति प्र – जया॑ । सं॒विदान॑ इति सं-वि॒दानः॑ । ये । आ॒रण्याः॑ ।

प॒शवः॑ । वि॒श्वरू॑पा इति वि॒श्व – रू॒पाः । वि॒रूपा॑ इति वि-रू॒पाः ।

स॒न्तः । बहु॑धेति बहु – धा । ए॒करू॑पा इत्येक – रू॒पाः । वा॒युः ।

तान् । अ॒ग्रे । प्रे॑ति । मु॒मोक्तु॑ । दे॒वः । प्र॒जाप॑तिरिति प्र॒जा – प॑तिः ।

प्र॒जये॑ति प्र – जया॑ । सं॒विदान॑ इति सं – वि॒दानः॑ ।

प्र॒मुञ्च॑मा॒ना इति॑ प्र – मु॒ञ्चमा॑नाः । 12 (50)

**3.1.4.3**

भुवनस्य॑ रेतो॑ गातुं॑ धत्त॑ यज॑मानाय॑ देवाः॑ ।

उपाकृतं॑ शश॑मानं॑ यदस्था॑ जीवं॑ देवाना॑मप्येतु॑ पाथः॑ ।

नाना॑ प्रा॒णो यज॑मानस्य॑ पशु॑ना यज्ञो॑ देवे॑भिः सह॑ देव॑यानः॑ ।

जीवं॑ देवाना॑मप्येतु॑ पाथः॑ सत्याः॑ सन्तु॑ यज॑मानस्य॑ कामाः॑ ।

यत् पशु॑र्मायु॑मकृ॑तोरो॑ वा पद्भि॑राह॑ते ।

अग्नि॑र्मा तस्मा॑देन॒सो विश्वा॑न् मुञ्च॑त्व ह॑सः ।

शमि॑तार॒ उपे॑तन॒ यज्ञं॑ – [ ] 13

**3.1.4.3 (Padam)**

भुवनस्य॑ । रेतः॑ । गातुम् । धत्त॑ । यज॑मानाय॑ । देवाः॑ ।

उपाकृतमित्युप-आकृतम् । शश॑मानम् । यत् । अस्थात् । जीवम् ।

देवानाम् । अपीति॑ । एतु॑ । पाथः॑ । नाना॑ । प्रा॒ण इति॑ प्र – अनः॑ ।

यज॑मानस्य॑ । पशु॑ना॑ । यज्ञः॑ । देवे॑भिः । सह॑ । देव॑यान इति॑

देव – यानः॑ । जीवम् । देवानाम् । अपीति॑ । एतु॑ । पाथः॑ । सत्याः॑ ।

सन्तु॑ । यज॑मानस्य॑ । कामाः॑ । यत् । पशुः॑ । मायुम् । अकृत॑ । उरः॑ ।

वा । पद्भि॑रिति॑ पत् – भिः॑ । आ॒हत॑ इत्या – ह॑ते । अग्निः॑ । मा ।

पद पाठे (वाक्य सहित) – तृतीयकाण्डे – प्रथमः प्रश्नः

तस्मात् । ए॒नसः । वि॒श्वात् । मु॒ञ्चतु । अ॒ह॒सः । श॒मितारः ।

उ॒पे॒तने॒त्युप – ए॒तन । य॒ज्ञम् । 13 (50)

**3.1.4.4**

दे॒वेभि॒रि॒न्वितं ।

पाशात् पशुं प्रमुञ्चत बन्धाद्यज्ञपतिं परि ।

अ॒दि॒तिः पा॒शं प्र॒मु॒मो॒क्त्वे॒तं नमः प॒शु॒भ्यः प॒शु॒प॒तये॑ करोमि ।

अ॒रा॒ती॒यन्त॑-म॒ध॒रं कृ॒णोमि॑ यं द्विष्मस्तस्मिन् प्रति मुञ्चामि पाशं ।

त्वामु ते दधिरे हव्यवाहं शृतंकर्तारमुत यज्ञियं च ।

अ॒ग्ने॒ सद॒क्षः स॒त॒नु॒र्हि भू॒त्वाऽथ॑ ह॒व्या जा॒तवे॒दो जु॒षस्व ।

जा॒तवे॒दो व॒पया॑ गच्छ दे॒वान्त्व॑ ( ) हि होता प्रथमो बभूथ ।

घृ॒तेन॑ त्वं त॒नुवो॑ वर्धयस्व स्वाहाकृतं हविरदन्तु देवाः ।

स्वाहा दे॒वेभ्यो॑ दे॒वेभ्यः॑ स्वाहा ॥ 14

**3.1.4.4 (Padam)**

दे॒वेभिः॑ । इ॒न्वित॑म् । पाशात् । पशुम् । प्रेति । मुञ्चत । बन्धात् ।

य॒ज्ञ॒प॒ति॒मि॒ति य॒ज्ञ – प॒तिम् । परि॑ । अ॒दि॒तिः । पा॒शम् । प्रेति॑ ।

मु॒मो॒क्तु । ए॒तम् । नमः॑ । प॒शु॒भ्य इति॑ प॒शु – भ्यः॑ ।

पद पाठे (वाक्य सहित) – तृतीयकाण्डे – प्रथमः प्रश्नः

प॒शु॒प॒त॒य॒ इति॑ प॒शु॒ – प॒त॒ये॑ । क॒रो॒मि॑ । अ॒रा॒ती॒य॒न्त॒म्॑ ॥ अ॒ध॒र॒म्॑ ।  
कृ॒णो॒मि॑ । य॒म् । द्वि॒ष्मः॑ । त॒स्मिन्॑ । प्र॒ती॒ति॑ । मु॒ञ्च॒ामि॑ ॥ पा॒श॒म् ।  
त्वा॒म् । उ॒ । ते॑ । द॒धि॒रे॑ । ह॒व्य॒वा॒ह॒मि॒ति॑ ह॒व्य॒ – वा॒ह॒म्॑ ॥  
शृ॒तं॑ क॒र्त॒रि॒मि॒ति॑ शृ॒तं॑ – क॒र्त॒रि॒म्॑ ॥ उ॒त॑ । य॒ज्ञि॒य॒म्॑ । च॒ । अ॒ग्ने॑ ॥  
स॒द॒क्ष॒ इति॑ स॒ – द॒क्षः॑ । स॒त॒नु॒रि॒ति॑ स॒-त॒नुः॑ । हि॑ । भू॒त्वा॑ । अ॒थ॑ ।  
ह॒व्या॑ । जा॒त॒वे॒द॒ इति॑ जा॒त॒ – वे॒दः॑ । जु॒ष॒स्व॑ । जा॒त॒वे॒द॒ इति॑  
जा॒त॒ – वे॒दः॑ । व॒प॒या॑ ॥ ग॒च्छ॑ । दे॒वा॒न् । त्व॒म् ( ) । हि॑ । हो॒ता॑ ॥  
प्र॒थ॒मः॑ । ब॒भू॒थ॑ । घृ॒ते॒न॑ । त्व॒म् । त॒नु॒वः॑ । वर्ध॒य॒स्व॑ ।  
स्वा॒हा॒कृ॒त॒मि॒ति॑ स्वा॒हा॑ – कृ॒त॒म्॑ । ह॒विः॑ । अ॒द॒न्तु॑ । दे॒वाः॑ । स्वा॒हा॑ ॥  
दे॒वे॒भ्यः॑ । दे॒वे॒भ्यः॑ । स्वा॒हा॑ ॥ 14 (66)

(ई॒शं॑ – प्र॒मु॒ञ्च॒मा॒ना॑ – य॒ज्ञं॑ – त्व॒ष् – षोड॑श च) (A4)

**3.1.5.1**

प्रा॒जा॒प॒त्या॑ वै प॒श॒व॒स्तेषा॑ꣳ रु॒द्रोऽधि॑पतिर्य॒-दे॒ता॒भ्या॑-मु॒पा॒ क॒रो॒ति॑  
ता॒भ्या॑मे॒वैनं॑ प्र॒ति॒प्रो॒च्याऽऽल॑भत आ॒त्म॒नोऽना॑व्र॒स्काय॑ द्वा॒भ्या॑मु॒पा॒क॒रो॒ति॑  
द्वि॒पा॒द्य॒ज॒मा॒नः॑ प्र॒ति॒ष्ठि॒त्या॑ उ॒पा॒कृ॒त्य॑ प॒ञ्च॑ जु॒हो॒ति॑ पा॒ङ्काः॑ प॒श॒वः॑

पद पाठे (वाक्य सहित) – तृतीयकाण्डे – प्रथमः प्रश्नः

प॒शू॒ने॒वा॒ व॒रु॒न्धे॒मृ॒त्य॒वे॒ वा॒ ए॒ष॒ नी॒य॒ते॒ यत्॒ प॒शु॒स्तं॑ ॥ यद॑न्वार॒भेत॑  
प्र॒मा॒यु॒को॒ यज॑मानः॒ स्या॒न्नाना॑ प्रा॒णो॒ यज॑मानस्य॒ प॒शु॒ने॒त्या॒ह  
व्या॒वृ॒त्त्यै॑ – [ ] 15

**3.1.5.1 (Padam)**

प्रा॒जा॒प॒त्या॒ इति॑ प्रा॒जा – प॒त्याः॑ । वै । प॒श॒वः॑ । तेषा॑म् । रु॒द्रः॑ ।  
अधि॑पतिरित्यधि॑ – प॒तिः॑ । यत् । ए॒ता॒भ्या॑म् ।  
उपा॑करोतीत्युप – आ॒करो॑ति । ता॒भ्या॑म् । ए॒व । ए॒न॒म् । प्र॒ति॒प्रो॒च्येति॑  
प्र॒ति – प्रो॒च्य॑ । ए॒ति । ल॒भ॒ते॑ । आ॒त्म॒नः॑ ।  
अना॑व्रस्कायेत्यना॑ – व्र॒स्का॒य॑ । द्वा॒भ्या॑म् ।  
उपा॑करोतीत्युप – आ॒करो॑ति । द्वि॒पा॒दि॒ति॑ द्वि – पा॒त् । यज॑मानः ।  
प्र॒ति॒ष्ठि॒त्या॒ इति॑ प्र॒ति – स्थि॒त्यै॑ । उपा॑कृत्येत्युप – आ॒कृत्य॑ । पञ्च॑ ।  
जु॒हो॒ति॑ । पा॒ङ्गाः॑ । प॒श॒वः॑ । प॒शून्॑ । ए॒व । अ॒वे॒ति॑ । रु॒न्धे॑ । मृ॒त्य॒वे॑ ॥  
वै । ए॒षः॑ । नी॒य॒ते॑ । यत् । प॒शुः॑ । तम् । यत् ।  
अ॒न्वा॒र॒भे॒ते॒त्यनु॑ – आ॒र॒भेत॑ । प्र॒मा॒यु॒क॒ इति॑ प्र – मा॒यु॒कः॑ ।  
यज॑मानः । स्या॒त् । ना॒ना॑ ॥ प्रा॒ण॒ इति॑ प्र – अ॒नः॑ । यज॑मानस्य ।

पद पाठे (वाक्य सहित) – तृतीयकाण्डे – प्रथमः प्रश्नः

प॒शु॒ना॑ । इति॑ । आ॒ह॒ । व्या॒वृ॒त्या॑ इति॑ वि – आ॒वृ॒त्यै॑ । 15 (50)

**3.1.5.2**

यत् प॒शु॒र्मा॒यु॒म॒कृ॒तेति॑ जु॒होति॑ शान्त्यै॑ श॒मितार॑ उ॒पे॒तने॑त्याह  
यथा॒य॒जु॒रे॒वै॒त॒द्व॒पायां॑ वा आ॒ह्रि॒य॒मा॒णाया॑-म॒ग्ने॒र्मे॒धोऽप॑ क्रामति॑ त्वामु॑  
ते दधि॑रे ह॒व्य॒वा॒ह॒मि॒ति॑ व॒पाम॑भि जु॒होत्य॑ग्ने॒रे॒व मे॒ध॒म॒व॑ रुन्धेऽथो॑  
शृ॒त॒त्वा॒य॑ पु॒र॒स्ता॒थ् स्वा॒हा कृ॒तयो॑ वा अ॒न्ये दे॒वा उ॒परि॑ष्टाथ्  
स्वा॒हाकृ॒तयो॑ऽन्ये स्वा॒हा दे॒वेभ्यो॑ दे॒वेभ्यः॑ स्वा॒हेत्य॑भितो॑ व॒पां ( )  
जु॒होति॑ ताने॒वोभ्यान्॑ प्रीणाति॑ । 16

**3.1.5.2 (Padam)**

यत् । प॒शुः॑ । मा॒यु॒म् । अ॒कृ॒त॑ । इति॑ । जु॒होति॑ । शान्त्यै॑ ।  
श॒मितारः॑ । उ॒पे॒तने॑त्युप – ए॒त॒न॑ । इति॑ । आ॒ह॒ । यथा॒य॒जु॒रिति॑  
यथा – य॒जुः॑ । ए॒व॑ । ए॒त॒त् । व॒पाया॑म् । वै ।  
आ॒ह्रि॒य॒मा॒णायामि॑त्या – ह्रि॒य॒मा॒णायाम्॑ । अ॒ग्नेः॑ । मे॒धः॑ । अ॒पे॒ति॑ ।  
क्राम॑ति । त्वाम् । उ॒ । ते॑ । दधि॑रे । ह॒व्य॒वा॒हा॒मि॒ति॑ ह॒व्य – वा॒ह॒म् ।  
इति॑ । व॒पाम् । अ॒भी॒ति॑ । जु॒होति॑ । अ॒ग्नेः॑ । ए॒व॑ । मे॒ध॒म् । अ॒वे॒ति॑ ।

पद पाठे (वाक्य सहित) – तृतीयकाण्डे – प्रथमः प्रश्नः

रुन्धे । अथो इति । शृतत्वायेति शृत – त्वाय । पुरस्तात्स्वाहा  
कृतय इति पुरस्तात् – स्वाहाकृतयः । वै । अन्ये । देवाः ।  
उपरिष्ठात्स्वाहाकृतय इत्युपरिष्ठात् – स्वाहाकृतयः ।  
अन्ये । स्वाहा । देवेभ्यः । देवेभ्यः । स्वाहा । इति । अभितः ।  
वपाम् ( ) । जुहोति । तान् । एव । उभयान् । प्रीणाति । 16 (55)  
(व्यावृत्त्या – अभितो वपां – पञ्च च) (A5)

**3.1.6.1**

यो वा अयथादेवतं यज्ञमुपचरत्या देवताभ्यो वृश्च्यते पापीयान् भवति  
यो यथादेवतन्न देवताभ्य आ वृश्च्यते वसीयान् भवत्याग्नेय्यर्चा  
ऽऽग्नीध्रमभि मृशेद् वैष्णव्या हविर्धानिमाग्नेय्या स्रुचो वायव्यया  
वायव्यान्यैन्द्रिया सदो यथादेवतमेव यज्ञमुप चरति न देवताभ्य आ  
वृश्च्यते वसीयान् भवति युनज्मि ते पृथिवीं ज्योतिषा सह युनज्मि  
वायुमन्तरिक्षेण – [ ] 17

**3.1.6.1 (Padam)**

यः । वै । अयथादेवतमित्ययथा – देवतम् । यज्ञम् ।  
उपचरतीत्युप – चरति । एति । देवताभ्यः । वृश्च्यते । पापीयान् ।

पद पाठे (वाक्य सहित) – तृतीयकाण्डे – प्रथमः प्रश्नः

भवति॑ । यः॑ । यथा॑देवतमिति॑ यथा-देवतम्॑ । न । देवता॑भ्यः॑ । एति॑ ।  
वृश्च्यते॑ । वसीयान्॑ । भवति॑ । आग्नेय्या॑ । ऋचा॑ ।  
आग्नीध्रमि॑त्याग्नि - इध्रम्॑ । अभीति॑ । मृशेत्॑ । वैष्णव्या॑ ।  
हवि॑र्धानमिति॑ हविः - धानम्॑ । आग्नेय्या॑ । सुचः॑ । वायव्यया॑ ।  
वायव्यानि॑ । ऐन्द्रिया॑ । सदः॑ । यथा॑देवतमिति॑ यथा-देवतम्॑ ।  
एव॑ । यज्ञम्॑ । उपेति॑ । चरति॑ । न । देवता॑भ्यः॑ । एति॑ । वृश्च्यते॑ ।  
वसीयान्॑ । भवति॑ । युनज्मि॑ । ते॑ । पृथिवीम्॑ । ज्योतिषा॑ । सह॑ ।  
युनज्मि॑ । वायुम्॑ । अन्तरिक्षेण॑ । 17 (50)

**3.1.6.2**

ते सह॑ युनज्मि॑ वाच॑ सह॑ सूर्येण॑ ते युनज्मि॑ तिस्रो॑ विपृचः॑  
सूर्यस्य॑ ते । अग्नि॑र्देवता॑ गायत्री॑ छन्द॑ उपा॑शोः पात्रमसि॑  
सोमो॑ देवता॑ त्रिष्टुप्॑ छन्दो॑ऽन्तर्यामस्य॑ पात्रमसीन्द्रो॑ देवता॑ जगती॑ छन्द॑  
इन्द्र॑वायुवोः॑ पात्रमसि॑ बृहस्पति॑ देवता॑ऽनुष्टुप्॑ छन्दो॑ मित्रावरुणयोः॑  
पात्रमस्य॑श्चिनो॑ देवता॑ पङ्क्ति॑छन्दो॑ऽश्चिनोः॑ पात्रमसि॑ सूर्यो॑  
देवता॑ बृहती॑ - [ ] 18



पद पाठे (वाक्य सहित) – तृतीयकाण्डे – प्रथमः प्रश्नः

**3.1.6.2 (Padam)**

ते॑ । सह॑ । यु॒न॒ज्मि॑ । वा॒च॒म् । स॒ह॑ । सू॒र्ये॑ण । ते॑ । यु॒न॒ज्मि॑ ।  
ति॒स्रः॑ । वि॒पृ॒च इति॑ वि – पृ॒चः॑ । सू॒र्य॑स्य । ते॑ । अ॒ग्निः॑ । दे॒वता॑ ॥  
गा॒य॒त्री । छ॒न्दः॑ । उ॒पा॒ञ्शो॑रित्युप – अ॒ञ्शोः॑ । पा॒त्र॒म् । अ॒सि॑ ।  
सो॒मः॑ । दे॒वता॑ ॥ त्रि॒ष्टु॒प् । छ॒न्दः॑ । अ॒न्तर्या॑मस्येत्यन्तः – या॒म॒स्य॑ ।  
पा॒त्र॒म् । अ॒सि॑ । इ॒न्द्रः॑ । दे॒वता॑ ॥ ज॒गती॑ । छ॒न्दः॑ ।  
इ॒न्द्र॒वा॒यु॒वो॒रिती॑न्द्र – वा॒यु॒वोः॑ । पा॒त्र॒म् । अ॒सि॑ । बृ॒ह॒स्पतिः॑ । दे॒वता॑ ॥  
अ॒नु॒ष्टु॒बित्य॑नु – स्तु॒प् । छ॒न्दः॑ । मि॒त्रा॒व॒रु॒णयो॑रिति मि॒त्रा – व॒रु॒णयोः॑ ।  
पा॒त्र॒म् । अ॒सि॑ । अ॒श्विनौ॑ ॥ दे॒वता॑ ॥ प॒ङ्क्तिः॑ । छ॒न्दः॑ । अ॒श्विनौः॑ ।  
पा॒त्र॒म् । अ॒सि॑ । सू॒र्यः॑ । दे॒वता॑ ॥ बृ॒हती॑ । 18 (50)

**3.1.6.3**

छ॒न्दः॑ शु॒क्र॒स्य॑ पा॒त्र॒म॒सि॑ च॒न्द्र॒मा॑ दे॒वता॑ स॒तो॑ बृ॒हती॑ छ॒न्दो॑ म॒न्थि॒नः॑  
पा॒त्र॒म॒सि॑ वि॒श्वे॑दे॒वा दे॒वतो॑ष्णिहा छ॒न्द आ॒ग्र॒य॒ण॒स्य॑ पा॒त्र॒म॒सीन्द्रो॑ दे॒वता॑  
क॒कु॒च्छ॒न्द उ॒क्थानां॑ पा॒त्र॒म॒सि॑ पृ॒थि॒वी दे॒वता॑ वि॒राट् छ॒न्दो॑  
ध्रु॒व॒स्य॑ पा॒त्र॒म॒सि॑ । 19

पद पाठे (वाक्य सहित) – तृतीयकाण्डे – प्रथमः प्रश्नः

**3.1.6.3 (Padam)**

छन्दः॑ । शु॒क्रस्य॑ । पा॒त्रम्॑ । अ॒सि॑ । च॒न्द्र॒माः॑ । दे॒वता॑ ।  
स॒तो॒बृ॒हती॑ति॒ सतः॑ – बृ॒हती॑ । छन्दः॑ । म॒न्थिनः॑ । पा॒त्रम्॑ । अ॒सि॑ ।  
वि॒श्वे॑ । दे॒वाः । दे॒वता॑ । उ॒ष्णिहा॑ । छन्दः॑ । आ॒ग्र॒यण॑स्य । पा॒त्रम्॑ ।  
अ॒सि॑ । इ॒न्द्रः॑ । दे॒वता॑ । क॒कुत् । छन्दः॑ । उ॒क्थाना॑म् । पा॒त्रम्॑ ।  
अ॒सि॑ । पृ॒थि॒वी । दे॒वता॑ । वि॒राडिति॑ वि – राट् । छन्दः॑ । ध्रु॒वस्य॑ ।  
पा॒त्रम्॑ । अ॒सि॑ । 19 (33)

(अ॒न्तरि॑क्षेण – बृ॒हती॑ – त्र॒यस्त्रि॑शच्च) (A6)

**3.1.7.1**

इ॒ष्टर्गो॑ वा अ॒ध्वर्यु॑र्यज॒मान॑स्येष्टर्गः॑ ख॒लु वै॑ पू॒र्वोऽर्ष्टुः॑ क्षी॒यत॑ आ॒स॒न्या॒न्मा  
म॒न्त्रात्॑ पा॒हि क॑स्याश्चि॒दभि॑शस्त्या॒ इति॑ पु॒रा प्रा॑तरनु॒वाका॑ज्जु॒हुयादा॑त्मन  
ए॒व तद॑ध्व॒र्युः पु॒रस्ता॑च्छर्म॒ नह्य॑तेऽना॒र्त्ये सँ॑वेशाय॒ त्वोप॑वेशाय॒ त्वा  
गा॒यत्रि॑या स्त्रि॒ष्टुभो॑ जगत्या॒ अभि॑भूत्यै॒ स्वाहा॑ प्रा॒णापा॑नौ मृ॒त्योर्मा॑ पा॒तं  
प्रा॒णापा॑नौ॒ मा मा॑ हा॒सिष्टं॑ दे॒वता॑सु॒ वा ए॒ते प्रा॑णापा॒नयो॑र् – [ ] 20

पद पाठे (वाक्य सहित) – तृतीयकाण्डे – प्रथमः प्रश्नः

**3.1.7.1 (Padam)**

इष्टर्गः॑ । वै । अध्वर्युः॑ । यजमानस्य॑ । इष्टर्गः॑ । खलु॑ । वै । पूर्वः॑ ।  
अष्टुः॑ । क्षीयते॑ । आस॒न्यात्॑ । मा । मन्त्रात्॑ । पाहि॑ । कस्याः॑ ।  
चित् । अ॒भि॒श॒स्त्या॑ इत्यभि – श॒स्त्याः॑ । इति॑ । पुरा॑ ।  
प्रा॒तर॒नु॒वा॒का॒दि॒ति॑ प्रातः – अ॒नु॒वा॒कात्॑ । जुहु॒यात्॑ । आ॒त्म॒ने॑ । ए॒व ।  
तत् । अध्वर्युः॑ । पु॒र॒स्तात्॑ । शर्म॑ । न॒ह्यते॑ । अ॒ना॒र्त्ये॑ । सँ॒वेशा॑येति॑  
सं – वे॒शा॒य॑ । त्वा । उ॒प॒वे॒शा॒ये॒तु॒प॑ – वे॒शा॒य॑ । त्वा । गा॒य॒त्रि॒याः॑ ।  
त्रि॒ष्टु॒भः॑ । जग॒त्याः॑ । अ॒भि॒भू॒त्या॑ इत्यभि – भू॒त्यै॑ । स्वाहा॑ ।  
प्रा॒णा॒पा॒ना॒वि॒ति॑ प्राण – अ॒पा॒नौ॑ । मृ॒त्योः॑ । मा । पा॒तम्॑ ।  
प्रा॒णा॒पा॒ना॒वि॒ति॑ प्राण – अ॒पा॒नौ॑ । मा । मा । हा॒सि॒ष्टम्॑ । दे॒व॒ता॒सु॑ ।  
वै । ए॒ते॑ । प्रा॒णा॒पा॒न॒यो॒रि॒ति॑ प्राण – अ॒पा॒न॒योः॑ । 20 (50)

**3.1.7.2**

व्या॒य॒च्छ॒न्ते॑ ये॒षाँ॑ सोमः॑ स॒मृ॒च्छ॒ते॑ सँ॒वेशा॑य॒ त्वो॒प॒वे॒शा॒य॒ त्वे॒त्या॒ह॑  
छ॒न्दाँ॑सि॒ वै सँ॒वेश॑ उ॒प॒वे॒शा॒श्छ॒न्दो॑भि॒रे॒वा॒स्य॑ छ॒न्दाँ॑सि॒ वृ॒द्धे॑  
प्रे॒ति॒व॒न्त्या॑ज्या॒नि भ॑वन्त्यभि॒जित्यै॑ म॒रु॒त्व॒तीः॑ प्र॒ति॒प॒दो॑ वि॒जित्या॑ उ॒भे  
बृ॒ह॒द्र॒थ॒न्त॒रे॑ भ॒वत॑ इ॒यं वा॑व र॒थ॒न्त॒र॒म॒सौ॑ बृ॒ह॒दा॒भ्या॑मे॒वैन॑मन्त॒रे॒त्य॒द्य॑ वा॒व

रथन्तर७ श्रो बृहदद्याश्चा देवैनमन्तरेति भूतं – [ ] 21

**3.1.7.2 (Padam)**

व्यायच्छन्त इति वि – आयच्छन्ते । येषाम् । सोमः । समृच्छत इति

सं – ऋच्छते । संवेशायेति सं – वेशाय । त्वा ।

उपवेशायेत्युप – वेशाय । त्वा । इति । आह । छन्दांसि । वै ।

संवेश इति सं – वेशः । उपवेश इत्युप – वेशः ।

छन्दोभिरिति छन्दः – भिः । एव । अस्य । छन्दांसि । वृद्धे ।

प्रेतिवन्तीति प्रेति – वन्ति । आज्यानि । भवन्ति । अभिजित्या

इत्यभि – जित्यै । मरुत्वतीः । प्रतिपद इति प्रति – पदः ।

विजित्या इति वि – जित्यै । उभे इति ।

बृहद्रथन्तरे इति बृहत् – रथन्तरे । भवतः । इयम् । वाव ।

रथन्तरमिति रथम् – तरम् । असौ । बृहत् । आभ्याम् । एव । एनम् ।

अन्तः । एति । अद्य । वाव । रथन्तरमिति रथम् – तरम् । श्वः ।

बृहत् । अद्याश्चादित्यद्य – श्वात् । एव । एनम् ।

अन्तः । एति । भूतम् । 21 (50)

**3.1.7.3**

वाव रथन्तरं भविष्यद्-बृहद् भूताच्चैवैनं भविष्यतश्चान्तरेतिपरिमितं  
वाव रथन्तरमपरिमितं बृहत् परिमिताच्चैवैन-मपरिमिताच्चाऽन्तरेति  
विश्वामित्रजमदग्नी वसिष्ठेनास्पर्धेताऽस एतज्जमदग्नि विहव्यम  
पश्यत् तेन वै स वसिष्ठस्येन्द्रियं वीर्यमवृद्धं यद्विहव्यं शस्यत  
इन्द्रियमेव तद्वीर्यं यजमानो भ्रातृव्यस्य वृद्धे ( ) यस्य भूयाऽसौ  
यज्ञक्रतव इत्याहुः स देवता वृद्ध इति यद्यग्निष्टोमः सोमः परस्ताथ्  
स्या-दुक्थ्यं कुर्वीत यद्युक्थ्यः स्यादतिरात्रं कुर्वीत यज्ञक्रतुभिरेवास्य  
देवता वृद्धे वसीयान् भवति । 22

**3.1.7.3 (Padam)**

वाव । रथन्तरमिति रथम् – तरम् । भविष्यत् । बृहत् । भूतात् । च ।  
एव । एनम् । भविष्यतः । च । अन्तः । एति । परिमितमिति  
परि – मितम् । वाव । रथन्तरमिति रथम् – तरम् ।  
अपरिमितमित्यपरि – मितम् । बृहत् । परिमितादिति परि – मितात् ।  
च । एव । एनम् । अपरिमितादित्यपरि – मितात् । च । अन्तः ।  
एति । विश्वामित्रजमदग्नी इति विश्वामित्र – जमदग्नी ।

पद पाठे (वाक्य सहित) – तृतीयकाण्डे – प्रथमः प्रश्नः

वसि॑ष्ठेन॑ । अ॒स्प॒र्धे॒ताम् । सः॑ । ए॒तत् । ज॒मद॑ग्निः । वि॒ह॒व्यमि॑ति  
वि – ह॒व्यम् । अ॒प॒श्यत् । तेन॑ । वै । सः॑ । वसि॑ष्ठस्य । इ॒न्द्रि॒यम् ।  
वी॒र्य॑म् । अ॒वृ॒ङ्क्ते॑ । यत् । वि॒ह॒व्यमि॑ति वि – ह॒व्यम् । श॒स्यते॑ ।  
इ॒न्द्रि॒यम् । ए॒व । तत् । वी॒र्य॑म् । यज॑मानः । भ्रा॒तृ॒व्यस्य॑ । वृ॒ङ्क्ते॑ ( ) ।  
यस्य॑ । भू॒या॒सः । य॒ज्ञ॒क्र॒तव॑ इति॑ य॒ज्ञ – क्र॒तवः॑ । इति॑ ।  
आ॒हुः । सः॑ । दे॒वताः॑ । वृ॒ङ्क्ते॑ । इति॑ । यदि॑ । अ॒ग्नि॒ष्टोम  
इत्य॑ग्नि-स्तोमः । सोमः॑ । प॒रस्ता॑त् । स्यात् । उ॒क्थ्य॑म् । कु॒र्वीत॑ ।  
यदि॑ । उ॒क्थ्यः॑ । स्यात् । अ॒ति॒रा॒त्रमि॑त्यति – रा॒त्रम् । कु॒र्वीत॑ ।  
य॒ज्ञ॒क्र॒तुभि॑रिति॑ य॒ज्ञ॒क्र॒तु – भिः॑ । ए॒व । अ॒स्य । दे॒वताः॑ । वृ॒ङ्क्ते॑ ।  
व॒सी॒यान् । भ॒वति॑ । 22 (78)

(प्रा॒णा॒पा॒नयो॑ – भू॒तं – वृ॒ङ्क्ते॑ – ऽष्टा॒वि॒ंश॒तिश्च) (A7)

**3.1.8.1**

नि॒ग्रा॒भ्याः॑ स्थ॑ दे॒वश्रु॑त॒ आयु॑र्मे॒ तर्प॑यत प्रा॒णं मे॑ तर्प॑यता॒पानं॑ मे॒ तर्प॑यत  
व्या॒नं मे॑ तर्प॑यत चक्षु॑र्मे॒ तर्प॑यत श्रो॒त्रं मे॑ तर्प॑यत॒ मनो॑मे॒ तर्प॑यत  
वा॒चं मे॑ तर्प॑यता॒ऽऽ\*त्मानं॑ मे॒ तर्प॑यता॒ङ्गानि॑ मे॒ तर्प॑यत॒ प्रजां॑ मे॒ तर्प॑यत

पद पाठे (वाक्य सहित) – तृतीयकाण्डे – प्रथमः प्रश्नः

प॒शून्॑ मे॒ तर्प॑यत॒ गृ॒हान्॑ मे॒ तर्प॑यत॒ ग॒णान्॑ मे॒ तर्प॑यत॒ स॒र्व॒ग॒णं॑ मा॒ तर्प॑यत  
तर्प॑यत॒ मा – [ ] 23

**3.1.8.1 (Padam)**

नि॒ग्रा॒भ्या॑ इति॒ नि – ग्रा॒भ्याः॑ । स्थ॑ । दे॒व॒श्रु॒त इति॑ दे॒व – श्रु॒तः ।  
आ॒युः॑ । मे॒ । तर्प॑यत॒ । प्रा॒णमि॑ति॒ प्र – अ॒नम् । मे॒ । तर्प॑यत॒ ।  
अ॒पा॒नमि॑त्यप – अ॒नम् । मे॒ । तर्प॑यत॒ । व्या॒नमि॑ति॒ वि – अ॒नम् ।  
मे॒ । तर्प॑यत॒ । चक्षुः॑ । मे॒ । तर्प॑यत॒ । श्रो॒त्रम्॑ । मे॒ । तर्प॑यत॒ ।  
म॒नः॑ । मे॒ । तर्प॑यत॒ । वा॒चम्॑ । मे॒ । तर्प॑यत॒ । आ॒त्मान॑म् । मे॒ ।  
तर्प॑यत॒ । अ॒ङ्गानि॑ । मे॒ । तर्प॑यत॒ । प्र॒जा॒मि॑ति॒ प्र – जा॒म् । मे॒ ।  
तर्प॑यत॒ । प॒शून्॑ । मे॒ । तर्प॑यत॒ । गृ॒हान्॑ । मे॒ । तर्प॑यत॒ ।  
ग॒णान्॑ । मे॒ । तर्प॑यत॒ । स॒र्व॒ग॒णमि॑ति॒ स॒र्व – ग॒णम्॑ । मा॒ ।  
तर्प॑यत॒ । तर्प॑यत॒ । मा॒ । 23 (50)

**3.1.8.2**

ग॒णा मे॒ मा वि॑ तृ॒ष॒न्नो॒ष॒धयो॑ वै सोम॑स्य॒ विशो॑ विशः॒ खलु॑ वै  
रा॒ज्ञः॑ प्र॒दा॒तो॒री॒श्वरा॑ ऐ॒न्द्रः॑ सोमो॒ऽवी॒वृ॒धं॑ वो॒ मन॑सा सुजा॒ता ऋ॒तप्र॑जा॒ता  
भग॑ इ॒द्वः॑ स्याम । इ॒न्द्रेण॑ दे॒वीर्वी॒रु॒धः॑ सँवि॒दाना॑ अनु॒ मन्य॑न्ता॒ऽ

पद पाठे (वाक्य सहित) – तृतीयकाण्डे – प्रथमः प्रश्नः

सव॑नाय॒ सोम॑मित्या॒हौष॑धीभ्य॒ ए॒वैन॑ꣳ स्वायै॑ विशः॒ स्वायै॑ दे॒वता॑यै  
निर्या॑च्याभि॒ षुणो॑ति॒ यो वै सोम॑स्याभिषू॒यमाण॑स्य – [ ] 24

**3.1.8.2 (Padam)**

गणाः॑ । मे॒ । मा॒ । वी॑ति । तृ॒षन् । ओष॑धयः । वै । सोम॑स्य ।  
विशः॑ । विशः॑ । खलु॑ । वै । राजः॑ । प्रदा॑तोरिति॒ प्र – दा॒तोः ।  
ईश्व॑राः । ऐन्द्रः॑ । सोमः॑ । अवी॑वृधम् । वः । मन॑सा । सु॒जा॒ता इति॑  
सु – जा॒ताः । ऋ॒तप्र॑जाता॒ इत्यृ॑त – प्र॒जा॒ताः । भर्गो॑ । इत् । वः ।  
स्याम॑ । इन्द्रे॑ण । दे॒वीः । वी॑रुधः । सँ॒वि॒दा॒ना इति॑ सं – वि॒दा॒नाः ।  
अन्वि॑ति । म॒न्यन्ता॑म् । सव॑नाय । सोम॑म् । इति॑ । आ॒ह । ओष॑धीभ्य  
इत्यो॑षधि – भ्यः । ए॒व । ए॒नम् । स्वायै॑ । विशः॑ । स्वायै॑ । दे॒वता॑यै ।  
निर्या॑च्येति॒ निः – या॑च्य । अ॒भी॒ति । सु॒नो॒ति । यः । वै । सोम॑स्य ।  
अभिषू॑यमाण॒स्येत्य॑भि – सू॒यमा॑णस्य । 24 (50)

**3.1.8.3**

प्रथ॑मोऽꣳशुः॒ स्कन्द॑ति॒ स ईश्व॑र इन्द्रि॒यं वी॑र्यं प्र॒जां प॒शून्  
यज॑मानस्य॒ निर्ह॑न्तोस्तम॒भि मन्त्र॑येताऽऽ माऽऽस्का॒न्थस॑ह प्र॒जया॑ सह  
रा॒यस्पो॑षेणेन्द्रि॒यं मे वी॑र्यं मा॒ निर्व॑धीरित्या॒शिष॑मेवैता॒मा शा॑स्त



इन्द्रि॑यस्य॑ वी॒र्य॑स्य॑ प्र॒जायै॑ प॒शूना॑मनिर्घा॒ताय॑ द्र॒फ्सश्च॑स्कन्द

पृथि॑वीमनु॒ द्यामि॑मञ्च॒ योनि॑मनु॒ यश्च॑ ( ) पूर्॒वः ।

तृती॑यं यो॒निमनु॑ सञ्च॒रन्तं॑ द्र॒फ्सं जु॑हो॒म्यनु॑ स॒प्त हो॒त्राः ॥ 25

### 3.1.8.3 (Padam)

प्र॒थमः॑ । अ॒ञ्शुः॑ । स्क॒न्दति॑ । सः । ई॒श्वरः॑ । इन्द्रि॑यम् । वी॒र्य॑म् ।

प्र॒जामि॑ति॒ प्र – जा॑म् । प॒शून् । यज॑मानस्य । नि॒हन्तो॑रिति॒

निः – ह॒न्तोः॑ । तम् । अ॒भीति॑ । म॒न्त्रये॑त । ए॒ति । मा । अ॒स्कान् ।

स॒ह । प्र॒जये॑ति॒ प्र – जया॑ । स॒ह । रा॒यः । पो॑षेण । इन्द्रि॑यम् । मे ।

वी॒र्य॑म् । मा । नि॒रिति॑ । व॒धीः । इति॑ । आ॒शिष॑मित्या॒-शिष॑म् । ए॒व ।

ए॒ताम् । ए॒ति । शा॒स्ते । इन्द्रि॑यस्य । वी॒र्य॑स्य ।

प्र॒जाया॑ इति॒ प्र – जा॑यै । प॒शूना॑म् । अ॒निर्घा॑तायेत्य॒निः – घा॑ताय ।

द्र॒फ्सः । च॒स्क॒न्द । पृथि॑वीम् । अ॒न्विति॑ । द्याम् । इ॒मम् । च ।

यो॒निम् । अ॒न्विति॑ । यः । च ( ) । पूर्॒वः । तृती॑यम् । यो॒निम् ।

अ॒न्विति॑ । सञ्च॒रन्तमि॑ति॒ सं – च॑रन्तम् । द्र॒फ्सम् ।

जु॒हो॒मि । अ॒न्विति॑ । स॒प्त । हो॒त्राः ॥ 25 (60)

(तर्पयत मा – ऽभिषूयमाणस्य – यश्च – दश च) (A8)

**3.1.9.1**

यो वै देवान् देवयशसेनार्पयति मनुष्यान् मनुष्ययशसेन देवयशस्यैव  
 देवेषु भवति मनुष्ययशसी मनुष्येषु यान् प्राचीन-माग्रयणाद्  
 ग्रहान् गृह्णीयात् तानुपाञ्शु गृह्णीयाद्यानूर्ध्वाऽस्तानुपब्दिमतो देवानेव  
 तद्देवयशसेनार्पयति मनुष्यान् मनुष्ययशसेन देवयशस्यैव देवेषु  
 भवति मनुष्ययशसी मनुष्येष्वग्निः प्रातः सवने पात्वस्मान् वैश्वानरो  
 महिना विश्वशम्भूः । स नः पावको द्रविणं दधात्वा – [ ] 26

**3.1.9.1 (Padam)**

यः । वै । देवान् । देवयशसेनेति देव – यशसेन । अर्पयति ।  
 मनुष्यान् । मनुष्ययशसेनेति मनुष्य – यशसेन । देवयशसीति  
 देव – यशसी । एव । देवेषु । भवति । मनुष्ययशसीति  
 मनुष्य-यशसी । मनुष्येषु । यान् । प्राचीनम् । आग्रयणात् । ग्रहान् ।  
 गृह्णीयात् । तान् । उपाञ्शित्युप – अञ्शु । गृह्णीयात् । यान् ।  
 ऊर्ध्वान् । तान् । उपब्दिमत इत्युपब्दि – मतः । देवान् । एव । तत् ।  
 देवयशसेनेति देव – यशसेन । अर्पयति । मनुष्यान् ।

पद पाठे (वाक्य सहित) – तृतीयकाण्डे – प्रथमः प्रश्नः

मनुष्ययशसेनेति मनुष्य – यशसेन । देवयशसीति देव – यशसी ।  
एव । देवेषु । भवति । मनुष्ययशसीति मनुष्य – यशसी ।  
मनुष्येषु । अग्निः । प्रातः सवन इति प्रातः – सवने । पातु ।  
अस्मान् । वैश्वानरः । महिना । विश्वशम्भूरिति विश्व – शम्भूः ।  
सः । नः । पावकः । द्रविणम् । दधातु । 26 (50)

**3.1.9.2**

युष्मन्तः सहभक्षाःस्याम ।  
विश्वे देवा मरुत इन्द्रो अस्मानस्मिन् द्वितीये सवने न जह्युः ।  
आयुष्मन्तः प्रियमेषां वदन्तो वयं देवानां सुमतौ स्याम ।  
इदं तृतीयं सवनं कवीनामृतेन ये चमसमैरयन्त ।  
ते सौधन्वनाः सुवरानशानाः स्विष्टिं नो अभि वसीयो नयन्तु ।  
आयतनवतीर्वा अन्या आहुतयो हूयन्तेऽनायतना अन्या या  
आधारवतीस्ता आयतनवतीर्याः – [ ] 27

**3.1.9.2 (Padam)**

आयुष्मन्तः । सहभक्षा इति सह – भक्षाः । स्याम । विश्वे ॥ देवाः ।  
मरुतः । इन्द्रः । अस्मान् । अस्मिन् ॥ द्वितीये ॥ सवने । न । जह्युः ।

पद पाठे (वाक्य सहित) – तृतीयकाण्डे – प्रथमः प्रश्नः

आयुष्मन्तः । प्रियम् । एषाम् । वदन्तः । वयम् । देवानाम् ।  
सुमताविति सु – मतौ । स्याम । इदम् । तृतीयम् । सवनम् ।  
कवीनाम् । ऋतेन । ये । चमसम् । ऐरयन्त । ते । सौधन्वनाः ।  
सुवः । आनशानाः । स्विष्टिमिति सु – इष्टिम् । नः । अभीति ।  
वसीयः । नयन्तु । आयतनवतीरित्यायतन – वतीः । वै । अन्याः ।  
आहुतय इत्या – हुतयः । हूयन्ते । अनायतना इत्यना – यतनाः ।  
अन्याः । याः । आघारवतीरित्याघार – वतीः । ताः ।  
आयतनवतीरित्यायतन – वतीः । याः । 27 (50)

**3.1.9.3**

सौम्यास्ता अनायतना ऐन्द्रवायव-मादायाऽऽ\*घारमा घारयेदध्वरो  
यज्ञोऽयमस्तु देवा ओषधीभ्यः पशवे नो जनाय विश्वस्मै  
भूतायाऽद्ध्वरोऽसि स पिन्वस्व घृतवद्देव सोमेति सौम्या एव  
तदाहुतीरायतनवतीः करोत्यायतनवान् भवति य एवं वेदाथो  
द्यावापृथिवी एव घृतेन व्युनक्ति ते व्युत्ते उपजीवानीर्ये भवत  
उपजीवनीर्यो भवति – [ ] 28

**3.1.9.3 (Padam)**

सौ॒म्याः॑ । ताः॑ । अ॒नाय॑त॒ना इ॒त्य॒ना – य॒त॒नाः॑ ।  
ऐ॒न्द्र॒वाय॑व॒मित्यै॑न्द्र – वा॒य॒वम् । आ॒दा॒ये॒त्या – दा॒य॑ ।  
आ॒घा॒र॒मि॒त्या – घा॒र॒म् । ए॒ति॑ । घा॒र॒ये॒त् । अ॒ध्व॒रः॑ । य॒ज्ञः॑ । अ॒य॒म् ।  
अ॒स्तु॑ । दे॒वाः॑ । ओ॒ष॒धी॑भ्य॒ इत्यो॑ष॒धि-भ्यः॑ । प॒श॒वै॑ । नः॑ । ज॒ना॒य॑ ।  
वि॒श्व॒स्मै॑ । भू॒ता॒य॑ । अ॒ध्व॒रः॑ । अ॒सि॑ । सः॑ । पि॒न्व॒स्व॑ । घृ॒त॒व॒दि॒ति॑  
घृ॒त – व॒त् । दे॒व॑ । सो॒म॑ । इ॒ति॑ । सौ॒म्याः॑ । ए॒व॑ । त॒त् ।  
आ॒हु॒ती॒रि॒त्या – हु॒तीः॑ । आ॒य॒त॒न॒व॒ती॒रि॒त्या॒य॒त॒न – व॒तीः॑ । क॒रो॒ति॑ ।  
आ॒य॒त॒न॒वा॒नि॒त्या॒य॒त॒न – वा॒न् । भ॒व॒ति॑ । यः॑ । ए॒व॒म् । वे॒द॑ ।  
अथो॑ इ॒ति॑ । द्या॒वा॒पृ॒थि॒वी इ॒ति॑ द्या॒वा-पृ॒थि॒वी॑ । ए॒व॑ । घृ॒ते॒न॑ । वी॒ति॑ ।  
उ॒न॒त्ति॑ । ते॑ इ॒ति॑ । व्यु॒त्ते॑ इ॒ति॑ वि – उ॒त्ते॑ ।  
उ॒प॒जी॒व॒नी॒ये इ॒त्यु॒प – जी॒व॒नी॒ये॑ । भ॒व॒तः॑ ।  
उ॒प॒जी॒व॒नी॒य इ॒त्यु॒प – जी॒व॒नी॒यः॑ । भ॒व॒ति॑ । 28 (50)

**3.1.9.4**

य॒ ए॒वं॑ वे॒दै॒ष॒ ते॑ रु॒द्र॒भा॒गो॒ यं॑ नि॒र॒या॒च॒था॒स्तं॑ जु॒ष॒स्व॑ वि॒दे॒र्गो॑प॒त्यञ्  
रा॒य॒स्पो॒षञ् सु॒वी॒र्यञ् सँ॒व॒थ्स॒री॒णाञ् स्व॒स्तिं॑ । म॒नुः॑ पु॒त्रे॒भ्यो॑ दा॒यं॑

पद पाठे (वाक्य सहित) – तृतीयकाण्डे – प्रथमः प्रश्नः

व्यभज॑त् स॒ ना॒भा॒ने॒दि॒ष्टं॑ ब्र॒ह्म॒च॒र्यं॑ व॒स॒न्तं॑ नि॒रभ॑जत् स आ॒ग॒च्छ॑त्  
सोऽब्र॑वीत् क॒था मा॒ नि॒रभा॑गिति॒ न त्वा॒ नि॒रभा॑क्ष॒मित्य॑-ब्र॒वीद॑ङ्गि॒रस॒ इ॒मे  
स॒त्र॒मा॒स॒ते॑ ते - [ ] 29

**3.1.9.4 (Padam)**

यः । ए॒वम् । वे॒द । ए॒षः । ते॒ । रु॒द्र । भा॒गः । यम् । नि॒रया॑च॒था इति॑  
निः-अ॒या॒च॒थाः । तम् । जु॒ष॒स्व । वि॒देः । गौ॒प॒त्यम् । रा॒यः ।  
पो॒षम् । सु॒वी॒र्य॒मिति॑ सु - वी॒र्य॑म् । सँव॑त्स॒रीणा॒मिति॑  
सं - व॒त्स॒रीणा॑म् । स्व॒स्तिम् । म॒नुः । पु॒त्रेभ्यः॑ । दा॒यम् । वी॒ति ।  
अ॒भ॒ज॒त् । सः । ना॒भा॒ने॒दि॒ष्टम् । ब्र॒ह्म॒च॒र्य॒मिति॑ ब्र॒ह्म-च॒र्यम् । व॒स॒न्तम् ।  
नि॒रिति॑ । अ॒भ॒ज॒त् । सः । ए॒ति । अ॒ग॒च्छ॑त् । सः । अ॒ब्र॑वीत् । क॒था ।  
मा । नि॒रिति॑ । अ॒भाक् । इति॑ । न । त्वा॒ । नि॒रिति॑ । अ॒भा॒क्षम् । इति॑ ।  
अ॒ब्र॑वीत् । अ॒ङ्गि॒रसः॑ । इ॒मे । स॒त्रम् । आ॒स॒ते । ते । 29 (50)

**3.1.9.5**

सु॒व॒र्गं लो॒कं न प्र॑जा॒नन्ति॑ तेभ्य॒ इदं॑ ब्रा॒ह्म॒णं ब्रू॑हि ते सु॒व॒र्गं  
लो॒कं य॑न्तो॒ य ए॑षां प॒श॒व॒स्ता॒स्ते दा॑स्य॒न्तीति॑ तदे॒भ्योऽब्र॑वीत्  
ते सु॒व॒र्गं लो॒कं य॑न्तो॒ य ए॑षां प॒श॒व आ॑सन् तान॒स्मा अ॑ददु॒स्तं

पद पाठे (वाक्य सहित) – तृतीयकाण्डे – प्रथमः प्रश्नः

प॒शुभि॑श्चरन्तं॑ य॒ज्ञवा॑स्तौ रु॒द्र आ॑गच्छ॒थ् सोऽब्र॑वीन्मम

वा इ॒मे प॒शव॑ इत्यदुर्वै – [ ] 30

**3.1.9.5 (Padam)**

सु॒वर्ग॑मिति॑ सुवः – गम् । लो॒कम् । न । प्रेति॑ । जा॒नन्ति॑ । तेभ्यः॑ ।  
इ॒दम् । ब्रा॒ह्मण॑म् । ब्रू॒हि । ते । सु॒वर्ग॑मिति॑ सुवः – गम् । लो॒कम् ।  
यन्तः॑ । ये । ए॒षाम् । प॒शवः॑ । तान् । ते । दा॒स्यन्ति॑ । इति॑ । तत् ।  
ए॒भ्यः । अ॒ब्रवी॑त् । ते । सु॒वर्ग॑मिति॑ सुवः – गम् । लो॒कम् । यन्तः॑ ।  
ये । ए॒षाम् । प॒शवः॑ । आ॒सन् । तान् । अ॒स्मै । अ॒ददुः॑ । तम् ।  
प॒शुभि॑रिति॑ प॒शु –भिः॑ । चर॑न्तम् । य॒ज्ञवा॑स्ताविति॑ य॒ज्ञ–वा॑स्तौ ।  
रु॒द्रः । एति॑ । अ॒गच्छ॑त् । सः । अ॒ब्रवी॑त् । मम॑ । वै । इ॒मे ।  
प॒शवः॑ । इति॑ । अ॒दुः । वै । 30 (50)

**3.1.9.6**

म॒ह्यमि॑मानित्य॑ब्रवी॒न्न वै तस्य॑ त ई॒शत॑ इत्य॑ब्रवीद्–यद्–य॒ज्ञवा॑स्तौ  
ही॒यते॑ मम॒ वै तदि॑ति॒ तस्मा॑द्–य॒ज्ञवा॑स्तु ना॒भ्यवे॑त्य॒ꣳ सोऽब्र॑वीद्–य॒ज्ञे  
मा ऽऽभ॑जाथ॒ ते प॒शून् ना॑भि म॒ꣳस्य॑ इति॒ तस्मा॑ ए॒तं म॒न्थिनः॑ सꣳ  
स्रा॒वम॑जुहोत्॒ ततो॑ वै तस्य॑ रु॒द्रः प॒शून् ना॑भ्यमन्यत॒ यत्रै॑त ( ) मे॒वं

पद पाठे (वाक्य सहित) – तृतीयकाण्डे – प्रथमः प्रश्नः

वि॒द्वान् म॒न्थिनः॑ स॒ऽस्रा॒वं जु॒होति॑ न तत्र॑ रु॒द्रः प॒शून्भि॑ म॒न्यते॑ । 31

**3.1.9.6 (Padam)**

म॒ह्यम् । इ॒मान् । इति॑ । अ॒ब्र॒वीत् । न । वै । तस्य॑ । ते । ई॒श॒ते ।  
इति॑ । अ॒ब्र॒वीत् । यत् । य॒ज्ञ॒वा॒स्ता॒विति॑ य॒ज्ञ॒वा॒स्तौ । ही॒यते॑ । म॒म ।  
वै । तत् । इति॑ । तस्मा॑त् । य॒ज्ञ॒वा॒स्त्विति॑ य॒ज्ञ॒वा॒स्तु । न ।  
अ॒भ्य॒वे॒त्य॒मित्य॑भि॒ - अ॒वे॒त्य॒म् । सः । अ॒ब्र॒वीत् । य॒ज्ञे । मा । एति॑ ।  
भ॒ज । अथ॑ । ते । प॒शून् । न । अ॒भी॒ति । म॒ऽस्ये॑ । इति॑ । तस्मै॑ ।  
ए॒तम् । म॒न्थिनः॑ । स॒ऽस्रा॒वमिति॑ सं - स्रा॒वम् । अ॒जु॒होत् । ततः॑ ।  
वै । तस्य॑ । रु॒द्रः । प॒शून् । न । अ॒भी॒ति । अ॒म॒न्यत॑ । यत्र॑ ।  
ए॒तम् ( ) । ए॒वम् । वि॒द्वान् । म॒न्थिनः॑ । स॒ऽस्रा॒वमिति॑  
सं - स्रा॒वम् । जु॒होति॑ । न । तत्र॑ । रु॒द्रः । प॒शून् ।  
अ॒भी॒ति । म॒न्यते॑ । 31 (61)

(द॒धा॒त्वा - य॒त॒न॒व॒ती॒र्या - उ॒प॒जी॒व॒नी॒र्या भ॒वति॑ - तेऽ - दु॒र्वे -  
य॒त्रै॒त - मे॒का॒द॒श च) (A9)



**3.1.10.1**

जुष्टो वाचो भूयासं जुष्टो वाचस्पतये देवि वाक् ।  
यद्वाचो मधुमत् तस्मिन् मा धाः स्वाहा सरस्वत्यै ।  
ऋचा स्तोमं समर्धय गायत्रेण रथंतरं । बृहद्-गायत्रवर्तनि ।  
यस्ते द्रप्सः स्कन्दति यस्ते अंशुर्बाहुच्युतो धिषणयोरुपस्थात् ॥  
अध्वर्योर्वा परि यस्ते पवित्राथ् स्वाहाकृतमिन्द्राय तं जुहोमि ।  
यो द्रप्सो अंशुः पतितः पृथिव्यां परिवापात् – [ ] 32

**3.1.10.1 (Padam)**

जुष्टः । वाचः । भूयासम् । जुष्टः । वाचः । पतये । देवि । वाक् ।  
यत् । वाचः । मधुमदिति मधु-मत् । तस्मिन् । मा । धाः । स्वाहा ॥  
सरस्वत्यै । ऋचा । स्तोमम् । समिति । अर्धय । गायत्रेण ।  
रथन्तरमिति रथं-तरम् । बृहत् । गायत्रवर्तनीति गायत्र-वर्तनि । यः ।  
ते । द्रप्सः । स्कन्दति । यः । ते । अंशुः । बाहुच्युत इति  
बाहु - च्युतः । धिषणयोः । उपस्थादित्युप - स्थात् । अध्वर्योः ।  
वा । परीति । यः । ते । पवित्रात् । स्वाहाकृतमिति स्वाहा-कृतम् ।  
इन्द्राय । तम् । जुहोमि । यः । द्रप्सः । अंशुः । पतितः ।

पृथिव्याम् । परिवापादिति परि – वापात् । 32 (50)

**3.1.10.2**

पुरोडाशात् करम्भात् ।

धानासोमान्मन्थिन इन्द्र शुक्रात् स्वाहाकृतमिन्द्राय तं जुहोमि ।

यस्ते द्रप्सो मधुमाꣳ इन्द्रियावान्थ् स्वाहाकृतः पुनरप्येति देवान् ।

दिवः पृथिव्याः पर्यन्तरिक्षात् स्वाहा कृतमिन्द्राय तं जुहोमि ।

अध्वर्युर्वा ऋत्विजां प्रथमो युज्यते तेन स्तोमो योक्तव्य इत्याहुर्वागिग्रेगा

अग्र एत्वृजुगा देवेभ्यो यशो मयि दधती प्राणान् पशुषु

प्रजां मयि – [ ] 33

**3.1.10.2 (Padam)**

पुरोडाशात् । करम्भात् । धानासोमादिति धाना-सोमात् । मन्थिनः ।

इन्द्र । शुक्रात् । स्वाहाकृतमिति स्वाहा – कृतम् । इन्द्राय । तम् ।

जुहोमि । यः । ते । द्रप्सः । मधुमानिति मधु – मान् ।

इन्द्रियावानितीन्द्रिय – वान् । स्वाहाकृत इति स्वाहा-कृतः । पुनः ।

अप्येतीत्यपि – एति । देवान् । दिवः । पृथिव्याः । परीति ।

अन्तरिक्षात् । स्वाहाकृतमिति स्वाहा – कृतम् । इन्द्राय ।

पद पाठे (वाक्य सहित) – तृतीयकाण्डे – प्रथमः प्रश्नः

तम् । जु॒हो॒मि॒ । अ॒ध्व॒र्युः॑ । वै । ऋ॒त्वि॒जाम्॑ ॥ प्र॒थमः॑ । यु॒ज्य॒ते॑ ।  
तेन॑ । स्तो॒मः॑ । यो॒क्त॒व्यः॑ । इति॑ । आ॒हुः॑ । वाक् । अ॒ग्रे॒गा  
इत्य॑ग्रे – गाः । अ॒ग्रे ॥ ए॒तु । ऋ॒जु॒गा इत्यृ॑जु – गाः । दे॒वेभ्यः॑ ।  
यशः॑ । मयि॑ । दध॑ती । प्रा॒णानि॑ति प्र – अ॒नान् । प॒शुषु॑ ।  
प्र॒जामि॑ति प्र – जा॒म् । मयि॑ । 33 (50)

**3.1.10.3**

च॒ यज॑माने॒ चेत्या॑ह॒ वाच॑मे॒व तद्य॑ज्ञ॒मुखे॑ यु॒नक्ति॑ वा॒स्तु वा॑ ए॒तद्य॑ज्ञ॒स्य  
क्रिय॑ते॒ यद्ग्र॑हान् गृ॒हीत्वा॑ ब॒हिष्प॑व॒मानं॑ सर्प॒न्तिप॑राञ्चो॒ हि य॑न्ति  
प॒राची॑भिः स्तु॒वते॑ वै॒ष्णव्य॑र्चा पु॒नरे॒त्योप॑ तिष्ठ॒ते य॒ज्ञो वै वि॑ष्णु  
र्य॒ज्ञमे॒वाक॑र्विष्णो॒ त्वन्नो॑ अ॒न्तमः॑ शर्म॒ यच्छ॑ सह॒न्त्य ।  
प्र॒ ते धा॑रा मधु॒श्रुत॑ उ॒थ्सं दु॑ह॒ते ( ) अ॑क्षि॒तमि॒त्याह॑ य॒देवा॒स्य  
श॒यान॑स्योप॒शुष्य॑ति॒ तदे॒वा॒स्यैते॒ना ऽऽ\*प्या॑यति । 34

**3.1.10.3 (Padam)**

च॒ । यज॑माने । च॒ । इति॑ । आ॒ह । वाच॑म् । ए॒व । तत् । य॒ज्ञमु॑ख  
इति॑ य॒ज्ञ – मु॒खे । यु॒नक्ति॑ । वा॒स्तु । वै । ए॒तत् । य॒ज्ञस्य॑ । क्रि॒यते॑ ।  
यत् । ग्र॑हान् । गृ॒हीत्वा॑ । ब॒हिष्प॑व॒मानमि॑ति ब॒हिः – प॒व॒मान॑म् ।

पद पाठे (वाक्य सहित) – तृतीयकाण्डे – प्रथमः प्रश्नः

स॒र्प॑न्ति । प॒राञ्चः॑ । हि॑ । यन्ति॑ । प॒रा॒ची॑भिः । स्तु॒व॒ते॑ । वै॒ष्ण॒व्या ।  
ऋ॒चा । पु॒नः॑ । ए॒त्ये॒त्या॑ – इ॒त्य॑ । उ॒पे॒ति॑ । ति॒ष्ठ॒ते॑ । य॒ज्ञः॑ । वै ।  
वि॒ष्णुः॑ । य॒ज्ञ॒म् । ए॒व । अ॒कः॑ । वि॒ष्णो॑ इति॑ । त्व॒म् । नः॑ ।  
अ॒न्त॒मः॑ । श॒र्म॑ । य॒च्छ॑ । स॒ह॒न्त्य॑ । प्रे॒ति॑ । ते॑ । धा॒राः॑ ।  
म॒धु॒श्रु॒त॒ इति॑ म॒धु-श्रु॒तः॑ । उ॒थ्स॒म् । दु॒ह॒ते॑ ( ) । अ॒क्षि॒त॒म् । इति॑ ।  
आ॒ह॒ । यत् । ए॒व । अ॒स्य॑ । श॒या॒न॒स्य॑ । उ॒प॒शु॒ष्य॒ती॒त्यु॒प – शु॒ष्य॑ति ।  
तत् । ए॒व । अ॒स्य॑ । ए॒ते॒न॑ । ए॒ति॑ । प्या॒य॒य॒ति॑ । 34 (64)

(प॒रि॒वा॒पात् – प्र॒जां म॒रि॑ – दु॒ह॒ते – च॒तु॒र्द॒श॒ च) (A10)

**3.1.11.1**

अ॒ग्नि॒ना॑ र॒यि॒म॒श्न॒वत्॑ पो॒ष॒मे॒व॑ दि॒वे॒दि॒वे॑ । य॒श॒सं॑ वी॒र॒व॒त्त॒मं॑ ।  
गो॒मा॒ अ॒ग्ने॑ऽवि॒मा॒ अ॒श्वी॑ य॒ज्ञो॒ नृ॒व॒थ्स॒खा॒ स॒द॒मि॒द॒प्र॒मृ॒ष्यः॑ ।  
इ॒डा॒वा॒ ए॒षो॑ अ॒सुर॑ प्र॒जा॒वा॒न् दी॒र्घो॑ र॒यिः॑ पृ॒थु॒बु॒ध्नः॑ स॒भा॒वा॒न् ।  
आ॒प्या॒य॒स्व॑ स॒न्ते॑ । इ॒ह॑ त्व॒ष्टा॒र॒म॒ग्रि॒यं॑ वि॒श्व॒रू॒प॒मु॒प॒ ह्व॒ये॑ । अ॒स्मा॒क॒म॒स्तु॑  
के॒वलः॑ । तन्न॑स्तु॒री॒प॒म॒ध॑ पो॒ष॒यि॒न्तु॑ दे॒व॑ त्व॒ष्ट॒र्वि॑ र॒रा॒णः॑ स्य॒स्व॑ ।  
यतो॑ वी॒रः॑ – [ ] 35

**3.1.11.1 (Padam)**

अ॒ग्नि॒ना॑ । र॒यि॒म् । अ॒श्न॒वत् । पो॒ष॒म् । ए॒व । दि॒वे॒दि॒व॑ इति॑  
दि॒वे – दि॒वे । य॒श॒स॒म् । वी॒र॒व॒त्त॒म॒मि॒ति॑ वी॒र॒व॒त् – त॒म॒म् ।  
गो॒मा॒नि॒ति॑ गो – मा॒न् । अ॒ग्ने॑ । अ॒वि॒मा॒नि॒त्य॒वि॑ – मा॒न् । अ॒श्वी॑ ।  
य॒ज्ञः । नृ॒व॒त्स॒खे॒ति॑ नृ॒व॒त् – स॒खा । स॒द॒म् । इ॒त् ।  
अ॒प्र॒मृ॒ष्य॑ इत्य॒प्र – मृ॒ष्यः॑ । इ॒डा॒वा॒नि॒ती॒डा॑ – वा॒न् । ए॒षः ।  
अ॒सु॒र । प्र॒जा॒वा॒नि॒ति॑ प्र॒जा – वा॒न् । दी॒र्घः॑ । र॒यिः॑ । पृ॒थु॒बु॒ध्न॑ इति॑  
पृ॒थु – बु॒ध्नः॑ । स॒भा॒वा॒नि॒ति॑ स॒भा – वा॒न् । ए॒ति॑ । प्या॒य॒स्व॑ ।  
स॒मि॒ति॑ । ते॒ । इ॒ह॑ । त्व॒ष्टा॒र॒म् । अ॒ग्रि॒य॒म् । वि॒श्व॒रू॒प॒मि॒ति॑  
वि॒श्व – रू॒प॒म् । उ॒पे॒ति॑ । ह्य॒ये॑ । अ॒स्मा॒क॒म् । अ॒स्तु॑ । के॒व॒लः॑ ।  
तत् । नः॑ । तु॒री॒प॒म् । अ॒ध॑ । पो॒ष॒यि॒न्नु॑ । दे॒व॑ । त्व॒ष्टः॑ । वी॒ति॑ ।  
रा॒णः॑ । स्य॒स्व॑ । य॒तः॑ । वी॒रः॑ । 35 (50)

**3.1.11.2**

क॒र्म॒ण्यः॑ सु॒दक्षो॑ यु॒क्त॒ग्रा॒वा॑ जा॒य॒ते॑ दे॒व॒का॒मः॑ ।  
शि॒व॒स्त्व॒ष्ट॒रि॒हाऽऽ\* ग॒हि॑ वि॒भुः॑ पो॒ष॑ उ॒त॒त्त॒म॒ना॑ । य॒ज्ञे॑य॒ज्ञे॑ न॒ उ॒द॒व॑ ।  
पि॒श॒ङ्ग॒रू॒पः॑ सु॒भरो॑ व॒यो॒धाः॑ श्रु॒ष्टी॑ वी॒रो॑ जा॒य॒ते॑ दे॒व॒का॒मः॑ ।

पद पाठे (वाक्य सहित) – तृतीयकाण्डे – प्रथमः प्रश्नः

प्र॒जां त्व॒ष्टा वि॒ष्यतु॑ नाभि॒मस्मे॑ अथा॒ दे॒वाना॑मप्येतु॒ पाथः॑ ।  
प्र॒णो॑दे॒व्या नो॑ दि॒वः । पी॒पिवा॑ꣳ सꣳ सर॒स्वतः॑ स्तनं॒ यो  
वि॒श्वदर्॑शतः । धु॒क्षी॑महि॒ प्र॒जामि॑षं ॥ 36

**3.1.11.2 (Padam)**

क॒र्म॒ण्यः । सु॒दक्ष॑ इति॒ सु – दक्षः॑ । यु॒क्त॒ग्रा॒वेति॑ यु॒क्त – ग्रा॒वा ।  
जा॒यते॑ । दे॒वका॑म इति॒ देव – का॒मः । शि॒वः । त्व॒ष्टः । इ॒ह । ए॒ति ।  
ग॒हि । वि॒भुरि॑ति वि – भुः ॥ पो॒षे ॥ उ॒त । त्म॒ना ॥ य॒ज्ञेय॑ज्ञ इति  
य॒ज्ञे – य॒ज्ञे । नः॑ । उ॒दि॒ति । अ॒व । पि॒शङ्ग॑रूप इति॒ पि॒शङ्ग॑-रूपः ।  
सु॒भर॑ इति॒ सु – भरः॑ । व॒यो॒धा इति॑ वयः – धाः । श्रु॒ष्टी । वी॒रः ।  
जा॒यते॑ । दे॒वका॑म इति॒ देव – का॒मः । प्र॒जा॒मि॒ति प्र – जा॒म् ।  
त्व॒ष्टा ॥ वी॒ति । स्य॒तु । नाभि॑म् ॥ अ॒स्मे इति॑ । अथ॑ । दे॒वाना॑म् ॥  
अपी॑ति । ए॒तु । पाथः॑ । प्रे॒ति । नः॑ । दे॒वि । ए॒ति । नः॑ । दि॒वः ।  
पी॒पिवा॑ꣳसम् । सर॒स्वतः॑ । स्त॒नम् । यः । वि॒श्वदर्॑शत इति  
वि॒श्व – दर्॑शतः । धु॒क्षी॑महि॒ प्र॒जा॒मि॒ति प्र – जा॒म् ।  
इ॒षम् ॥ 36 (50)

**3.1.11.3**

ये ते सरस्व ऊर्मयो मधुमन्तो घृतश्रुतः । तेषां ते सुम्नमीमहे ।

यस्य व्रतं पशवो यन्ति सर्वे यस्य व्रतमुपतिष्ठन्त आपः ।

यस्य व्रते पुष्टिपतिर्निविष्टस्तं सरस्वन्तमवसे हुवेम ।

दिव्यं सुपर्णं वयसं बृहन्तमपां गर्भं वृषभमोषधीनां ।

अभीपतो वृष्ट्या तर्पयन्तं तं सरस्वन्तमवसे हुवेम ।

सिनीवालि पृथुष्टुके या देवानामसि स्वसा । जुषस्व हव्य – [ ] 37

**3.1.11.3 (Padam)**

ये । ते । सरस्वः । ऊर्मयः । मधुमन्त इति मधु – मन्तः ।

घृतश्रुत इति घृत – श्रुतः । तेषाम् । ते । सुम्नम् । ईमहे । यस्य ।

व्रतम् । पशवः । यन्ति । सर्वे । यस्य । व्रतम् । उपतिष्ठन्त

इत्युप – तिष्ठन्ते । आपः । यस्य । व्रते । पुष्टिपतिरिति पुष्टि – पतिः ।

निविष्ट इति नि – विष्टः । तम् । सरस्वन्तम् । अवसे । हुवेम ।

दिव्यम् । सुपर्णमिति सु – पर्णम् । वयसम् । बृहन्तम् । अपाम् ।

गर्भम् । वृषभम् । ओषधीनाम् । अभीपतः । वृष्ट्या । तर्पयन्तम् ।

तम् । सरस्वन्तम् । अवसे । हुवेम । सिनीवालि ।

पद पाठे (वाक्य सहित) – तृतीयकाण्डे – प्रथमः प्रश्नः

पृथु॑ष्टुक॒ इति॑ पृथु॑ – स्तु॒के॒ । या॑ । दे॒वाना॑म् । अ॒सि॑ । स्व॒सा॑ ।

जु॒षस्व॑ । ह॒व्यम्॑ । 37 (50)

**3.1.11.4**

माहु॑तं प्र॒जां दे॒वि दि॒दिङ्ङि॑ नः॒ । या॑ सु॒पाणिः॑ स्व॒ङ्गुरिः॑ सु॒षूमा॑

बहु॑सू॒वरी॑ । तस्यै॑ वि॒श्व॒न्नियै॑ ह॒विः॑ सि॒नीवा॒ल्यै जु॑होतन ।

इन्द्रं॑ वो॒ विश्व॑त॒स्परी॑ न्द्रं॒ नरः॑ ।

अ॒सित॑वर्णा॒ हर॑यः सु॒पर्णा॑ मि॒हो व॑साना॒ दिव॑मुत् प॒तन्ति॑ ।

त आ॒ऽव॑वृ॒त्रन्थ् सद॑नानि कृ॒त्वाऽऽदि॑त् पृथि॒वी घृ॒तैर्व्यु॑द्यते ।

हि॒रण्य॑केशो॒ रज॑सो वि॒सारे॑ऽहि॒र्धुनि॑र्वा॒त इ॒व ध॒र्जीमा॑न् ।

शु॒चिभ्रा॑जा उ॒षसो॑ – [ ] 38

**3.1.11.4 (Padam)**

आहु॑त॒मित्या॑ – हु॒तम् । प्र॒जामि॑ति प्र-जा॒म् । दे॒वि । दि॒दिङ्ङि॑ । नः॒ ।

या॑ । सु॒पाणि॑रिति सु – पा॒णिः । स्व॒ङ्गुरि॑रिति सु – अ॒ङ्गुरिः॑ ।

सु॒षूमे॑ति सु – सू॒मा॑ । बहु॑सू॒वरी॑ति बहु – सू॒वरी॑ । तस्यै॑ ।

वि॒श्व॒न्नियै॑ । ह॒विः॑ । सि॒नीवा॒ल्यै । जु॑होतन । इन्द्रं॑ । वः॒ ।

वि॒श्व॒तः । प॒रीति॑ । इन्द्रं॑ । नरः॑ । अ॒सित॑वर्णा॒ इत्य॑सित – वर्णाः॑ ।



पद पाठे (वाक्य सहित) – तृतीयकाण्डे – प्रथमः प्रश्नः

हर॑यः । सु॒पर्णा॑ इति॑ सु॒ - पर्णाः॑ । मि॒हः॑ । व॒सानाः॑ । दि॒वम्॑ ॥  
उदि॑ति । प॒तन्ति॑ । ते । ए॒ति॑ । अ॒ववृ॑त्रन् । स॒दनानि॑ । कृ॒त्वा ।  
आत् । इत् । पृ॒थि॒वी । घृ॒तैः॑ । वी॒ति॑ । उ॒द्यते॑ ।  
हि॒रण्य॑केश इति॑ हि॒रण्य॑ - के॒शः॑ । रज॑सः । वि॒सार॑ इति॑  
वि - सा॒रे । अ॒हिः॑ । धु॒निः॑ । वा॒तः॑ । इ॒व । ध्र॒जी॑मान् ।  
शु॒चि॑भ्राजा इति॑ शु॒चि॑ - भ्रा॒जाः॑ । उ॒षसः॑ । 38 (50)

**3.1.11.5**

नवे॑दा यश॑स्वती॒रप॒स्युवो॑ न स॒त्याः॑ ।  
आ ते॑ सु॒पर्णा॑ अ॒मिन॑न्त ए॒वैः॑ कृ॒ष्णो॑ नो॒नाव॑ वृष॒भो यदी॑दं ।  
शि॒वाभि॑र्न स्म॒यमा॑नाभि॒राऽगा॑त् प॒तन्ति॑ मि॒हः॑ स्त॒नय॑न्त्य॒भ्रा ।  
वा॒श्रे॒व वि॒द्युन्मि॑माति॒ वथ्सं॑ न मा॒ता सि॑षक्ति । य॒देषां॑ वृ॒ष्टिर॑स॒र्जि ।  
पर्व॑तश्चि॒न्महि॑ वृ॒द्धो बि॑भाय दि॒वश्चि॒त् सानु॑ रेज॒त स्व॒ने वः॑ ।  
यत् क्री॑डथ मरु॒त - [ ] 39

**3.1.11.5 (Padam)**

नवे॑दाः । यश॑स्वतीः । अ॒प॒स्युवः॑ । न । स॒त्याः॑ । ए॒ति॑ । ते । सु॒पर्णा॑  
इति॑ सु॒ - पर्णाः॑ । अ॒मिन॑न्त । ए॒वैः॑ । कृ॒ष्णः॑ । नो॒नाव॑ । वृष॒भः॑ ।

पद पाठे (वाक्य सहित) – तृतीयकाण्डे – प्रथमः प्रश्नः

यदि॑ । इ॒दम् । शि॒वाभिः॑ । न । स्म॒य॒मा॒नाभिः॑ । ए॒ति । अ॒गात् ।  
प॒त॒न्ति॑ । मि॒हः॑ । स्त॒न॒य॒न्ति॑ । अ॒भ्रा । वा॒श्रा । इ॒व ।  
वि॒द्यु॒दि॒ति॑ वि-द्युत् । मि॒मा॒ति॑ । व॒थ्स॒म् । न । मा॒ता । सि॒ष॒क्ति॑ । यत् ।  
ए॒षाम् । वृ॒ष्टिः॑ । अ॒स॒र्जि॑ । प॒र्व॒तः॑ । चि॒त् । म॒हि । वृ॒द्धः॑ । बि॒भा॒य ।  
दि॒वः॑ । चि॒त् । सा॒नु॑ । रे॒ज॒त॑ । स्व॒ने॑ । वः॑ । यत् । क्री॒ड॒थ॑ ।

म॒रु॒तः॑ । 39 (50)

**3.1.11.6**

ऋ॒ष्टि॒म॒न्त॑ आ॒प॒ इ॒व॑ स॒ध्रि॒य॒ञ्चो॑ ध॒व॒ध्वे॑ ।  
अ॒भि॒ क्र॒न्द॑ स्त॒न॒य॒ गर्भ॑मा॒ धा॑ उ॒द॒न्व॒ता॒ परि॑ दी॒या॒ रथे॑न ।  
दृ॒ति॒ सु॑ क॒र्ष॒ वि॒षि॒तं॑ न्य॒ञ्च॒ समा॑ भ॒व॒न्तू॒द्वता॑ नि॒पा॒दाः॑ ।  
त्वं॑ त्या॒ चि॒द॒च्यु॒ता॒ग्ने॑ प॒शु॒र्न॑ य॒व॒से॑ । धा॒मा॒ ह॒ यत्॑ ते॒ अ॒ज॒र॒ व॒ना॑  
वृ॒श्च॒न्ति॑ शि॒क्व॒सः॑ । अ॒ग्ने॒ भू॒री॒णि॒ तव॑ जा॒त॒वे॒दो॒ दे॒व॑ स्व॒धा॒वो॒ऽमृत॑स्य  
धा॒म॑ । या॒श्च॑ - [ ] 40

**3.1.11.6 (Padam)**

ऋ॒ष्टि॒म॒न्त॑ इ॒त्यृ॒ष्टि॑ - म॒न्तः॑ । आ॒पः॑ । इ॒व॑ । स॒ध्रि॒य॒ञ्चः॑ । ध॒व॒ध्वे॑ ।  
अ॒भी॒ति॑ । क्र॒न्द॑ । स्त॒न॒य॑ । गर्भ॑म् । ए॒ति॑ । धाः॑ ।

पद पाठे (वाक्य सहित) – तृतीयकाण्डे – प्रथमः प्रश्नः

उदन्वतेत्युदन् - वता॑ । परीति॑ । दीय॑ । रथेन॑ । दृतिम्॑ । स्विति॑ ।  
कर्ष॑ । विषितमिति॑ वि - सितम्॑ । न्यञ्चम्॑ । समाः॑ । भवन्तु॑ ।  
उद्वतेत्युत् - वता॑ । निपादा॑ इति नि - पादाः॑ । त्वम्॑ । त्या॑ । चित्॑ ।  
अच्युता॑ । अग्ने॑ । पशुः॑ । न । यवसे॑ । धाम॑ । ह॑ । यत् । ते॑ ।  
अजर॑ । वना॑ । वृश्चन्ति॑ । शिक्वसः॑ । अग्ने॑ । भूरीणि॑ । तव॑ ।  
जातवेद॑ इति जात - वेदः॑ । देव॑ । स्वधाव॑ इति स्वधा - वः॑ ।  
अमृतस्य॑ । धाम॑ । याः॑ । च॑ । 40 (50)

**3.1.11.7**

माया॑ मायिनां॑ विश्वमिन्व॑ त्वे पूर्वीः॑ सन्दधुः॑ पृष्ठबन्धो॑ ।  
दिवो॑ नो वृष्टिं॑ मरुतो॑ ररीध्वं॑ प्रपिन्वत॑ वृष्णो॑ अश्वस्य॑ धाराः॑ ।  
अर्वाडेतेन॑ स्तनयिन्नुनेह्यपो॑ निषिञ्चन्नसुरः॑ पिता॑ नः॑ ।  
पिन्वन्त्यपो॑ मरुतः॑ सुदानवः॑ पयो॑ घृतवद्विदथेष्वा॑ भुवः॑ ।  
अत्यं॑ न मिहे॑ वि नयन्ति॑ वाजिनमुथ्सं॑ दुहन्ति॑ स्तनयन्तमक्षितं॑ ।  
उदप्रुतो॑ मरुतस्ताञ् इयर्त॑ वृष्टिं॑ - [ ] 41

**3.1.11.7 (Padam)**

मा॒याः । मा॒यिना॑म् । वि॒श्वमि॑न्वेति॑ वि॒श्वम्-इ॒न्व । त्वे॑ इति॑ । पू॒र्वीः ।  
स॒न्दधु॑रिति॑ सं - दधुः । पृ॒ष्टब॑न्धो इति॑ पृ॒ष्ट - ब॒न्धो ।  
दि॒वः । नः । वृ॒ष्टिम् । म॒रुतः॑ । र॒रीध्व॑म् । प्रेति॑ । पि॒न्वत॑ ।  
वृ॒ष्णः । अ॒श्वस्य॑ । धा॒राः । अ॒र्वाङ् । ए॒तेन॑ । स्त॒नयि॑त्सुना॑ । एति॑ ।  
इ॒हि । अ॒पः । नि॒षिञ्च॑न्निति॑ नि - सि॒ञ्चन् । अ॒सुरः॑ । पि॒ता । नः ।  
पि॒न्वन्ति॑ । अ॒पः । म॒रुतः॑ । सु॒दान॑व इति॑ सु - दान॑वः । प॒यः ।  
घृ॒तव॑दिति॑ घृ॒त - व॒त् । वि॒दथे॑षु । आ॒भुव॑ इत्या॑ - भुवः॑ । अ॒त्यम् ।  
न । मि॒हे । वी॑ति॑ । न॒यन्ति॑ । वा॒जिन॑म् । उ॒थ्सम्॑ । दु॒हन्ति॑ ।  
स्त॒नय॑न्तम् । अ॒क्षित॑म् । उ॒दप्रु॑त इत्यु॒द - प्रु॑तः ।  
म॒रुतः॑ । ता॒म् । इ॒यर्त॑ । वृ॒ष्टिम् । 41 (50)

**3.1.11.8**

ये॑ वि॒श्वे म॒रुतो॑ जु॒नन्ति॑ ।  
क्रो॑शाति॑ गर्दा॑ क॒न्येव॑ तु॒न्ना पे॑रुं तु॒ञ्जाना॑ प॒त्येव॑ जा॒या ।  
घृ॒तेन॑ द्यावा॑पृथि॒वी म॒धुना॑ स॒मुक्ष॑त प॒यस्व॑तीः कृ॒णु॑ताऽऽप॒ ओष॑धीः ।  
ऊ॒र्जं च॑ तत्र॑ सु॒मतिं॑ च पि॒न्वथ॑ यत्रा॑ नरो॑ म॒रुतः॑ सि॒ञ्चथा॑ म॒धु ।

उ॒दु॒त्यं॑ चि॒त्रं॑ । औ॒र्व॑-भृ॒गु॒वच्छु॑चि॒म॒प्न॒वान॒वदा॑ हु॒वे ।

अ॒ग्नि॑ꣳ स॒मु॒द्र॒वा॒स॒सं॑ । आ स॒व॑ꣳ स॒वि॒तु॒र्यथा॑ भ॒ग॒स्ये॑ ( ) व भु॒जि॑ꣳ  
हु॒वे । अ॒ग्नि॑ꣳ स॒मु॒द्र॒वा॒स॒सं॑ । हु॒वे वा॒त॒स्वनं॑ क॒विं॑ प॒र्जन्य॑क्र॒न्द्यꣳ  
सहः॑ । अ॒ग्नि॑ꣳ स॒मु॒द्र॒वा॒स॒सं॑ । 42

### 3.1.11.8 (Padam)

ये । वि॒श्वे॑ । म॒रु॒तः॑ । जु॒नन्ति॑ । क्रो॒शा॒ति॑ । गर्दा॑ । क॒न्या॑ । इ॒व ।  
तु॒न्ना । पे॒रु॒म् । तु॒ञ्ज॒ाना॑ । प॒त्या॑ । इ॒व । जा॒या । घृ॒ते॒न॑ । द्या॒वापृ॑थि॒वी  
इति॑ द्या॒वा – पृ॒थि॒वी । म॒धु॒ना । स॒मि॒ति॑ । उ॒क्ष॒त॑ । प॒य॒स्व॒तीः॑ ।  
कृ॒णु॒त॑ । आ॒पः॑ । ओ॒ष॒धीः॑ । ऊ॒र्ज॒म् । च॒ । तत्र॑ । सु॒म॒ति॒मि॒ति॑  
सु – म॒ति॒म् । च॒ । पि॒न्व॒थ॑ । यत्र॑ । न॒रः॑ । म॒रु॒तः॑ । सि॒ञ्च॒थ॑ ।  
म॒धु॑ । उ॒दि॒ति॑ । उ॒ । त्य॒म् । चि॒त्र॒म् । औ॒र्व॑भृ॒गु॒वदि॒त्यौ॒वभृ॑गु – वत् ।  
शु॒चि॒म् । अ॒प्न॒वा॒न॒वदि॒त्य॒प्न॒वा॒न – वत्॑ । ए॒ति॑ । हु॒वे॑ । अ॒ग्नि॒म् ।  
स॒मु॒द्र॒वा॒स॒स॒मि॒ति॑ स॒मु॒द्र – वा॒स॒स॒म् । ए॒ति॑ । स॒व॒म् । स॒वि॒तुः॑ ।  
यथा॑ । भ॒ग॒स्य॑ ( ) । इ॒व॑ । भु॒जि॒म् । हु॒वे॑ । अ॒ग्नि॒म् ।  
स॒मु॒द्र॒वा॒स॒स॒मि॒ति॑ स॒मु॒द्र – वा॒स॒स॒म् । हु॒वे॑ ।

पद पाठे (वाक्य सहित) – तृतीयकाण्डे – प्रथमः प्रश्नः

वा॒तस्व॑नमि॒ति वा॒त – स्व॑नम् । क॒विम् ।

पर्ज॑न्यक्र॒न्दमि॒ति पर्ज॑न्य – क्र॒न्दम् । सहः॑ । अ॒ग्निम् ।

समु॑द्रवा॒ससमि॒ति समु॑द्र – वा॒सस॑म् । 42 (62)

(वी॒र – इ॒ष॒ꣳ – ह॒व्य – मु॒षसो॑ – मरु॒त – श्च – वृ॒ष्टिं – भ॒गस्य॑ –  
द्वा॒दश॑ च) (A11)

**Prasna Korvai with starting Padams of 1 to 11 Anuvaakams :-**

(प्र॒जाप॑तिर॒काम॑यतै – ष॒ ते गा॒यत्रो॑ – य॒ज्ञं वै – प्र॒जाप॑तेर्जा॒यिमा॑नाः  
– प्रा॒जाप॑त्या – यो वा अ॒यथा॑दे॒वत – मि॒ष्टर्गो॑ – नि॒ग्राभ्याः॑ स्थ –  
यो वै दे॒वा – ञ्जु॑ष्टो – ऽग्नि॑ना र॒यि – मे॒काद॑श )

**Korvai with starting Padams of 1, 11, 21 Series of Panchaatis :-**

(प्र॒जाप॑तिर॒काम॑यत – प्र॒जाप॑तेर्जा॒यिमा॑ना – व्या॒यच्छ॑न्ते – म॒ह्यमि॑मा –  
न्मा॒या मा॒यिना॑न् – द्वि॒चत्वा॑रि॒ꣳशत्)

पद पाठे (वाक्य सहित) – तृतीयकाण्डे – प्रथमः प्रश्नः

**First and Last Padam of First Prasnam of Kandam 3:-**

(प्रजापतिरकामयता – ऽग्निं समुद्रवाससं )

॥ हरिः ओं ॥

॥ कृष्ण यजुर्वेदीय तैत्तिरीय संहितायां तृतीयकाण्डे पद पाठे प्रथमः

प्रश्नः समाप्तः ॥

## पद पाठे (वाक्य सहित) – तृतीयकाण्डे – प्रथमः प्रश्नः

---

### Details of Panchati and Padam for Kandam 3 – Prasanam 1 – TS 3.1

	Panchati	Padams
Anuvakam 1	4	224
Anuvakam 2	4	219
Anuvakam 3	2	126
Anuvakam 4	4	216
Anuvakam 5	2	105
Anuvakam 6	3	133
Anuvakam 7	3	178
Anuvakam 8	3	160
Anuvakam 9	6	311
Anuvakam 10	3	164
Anuvakam 11	8	412
Total →	42	2248

#### Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site “[www.vedavms.in](http://www.vedavms.in)”